





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 738a 4° copy 1





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 738a 4° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 738a 4° copy 1



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 738a 4° copy 1

35, - 31 - 4°


DA BOX


ex 1



LN 738 a Ex 1
M.







HISTORIA
COMPENDIOSA AC SVCCINCTA
SERENISSIMORVM
DANIAE REGVM:

*Ab incerto auctore conscripta; nunc vero
vsque ad CHRISTIANVM IIII. de-
ducta, primumque in lucem edita,*

opera & studio

ERPOLDI LINDENBRVCH.



LVGDVNI BATAVORVM,
EX OFFICINA PLANTINIANA,
Apud Franciscum Raphelengium.
CLD. LD. XCV.

HISTORIA

COMPOSITA AB ANTONIO

DE VINDOBONA

DANIELI KESLER

AD HOC OPERIS

AVTHOREM

IN HOC

OPERE

AVTHOREM



EX LIBRIS
BIBLIOTHECA REGIA
HABENS



Serenissimo potentissimoque

PRINCIPI
CHRISTIANO IIII.

Daniæ, Norwegiæ, Gothorum, Wandalo-
rumque Regi, Duci Holsatiæ, Storma-
riæ, & Dithmarschiæ; Comiti in Olden-
borg & Delmenhorst &c.

Domino suo clementissimo S.

SERIEM Regum, quibus flo-
rentissimum hoc regnum per
totiugos iam annos stetit,
& in quo V. Serenitas locum
centesimum septimum legi-
time obtinet, compendioso sermone ita
concinнатam, ut antecessorum vestrorum
ætates & res præclare gestas, non tam lege-
re, quam numerare videamini, Celitudini
V. deuote offerre placuit. Antecessores enim
tuos, Rex Clementissime, ita vno quasi ocu-
lorum lectu perlustrans, nescio quo pacto,
quamuis sponte, animo tuo sic à natura in-
formato, ad summas virtutes contendas, &
excellentissima indolis præclara specimina
quotidie.

quotidie edas, maiori tamen æmulatione
incitaberis *prisca titulos precedere fama*. Sic
de C. Iulio Cæsare (ne de aliis interim di-
cam) legimus, quamuis & is sponte sua non
nisi ad summa contenderet, tamen cum
imaginem & titulum Alexandri, cui ex re-
bus actis & auctis cognomentum Magno
indidit antiquitas, vidisset, ita animo in-
censum, ut spretis repudiatisque quos gere-
bat honoribus, statim maiora animo moliri
cæperit, eaque gesserit, quæ nulla vis, nulla
potentia efficere potest, quin vigeant, flo-
reantque perpetim. Ergo igitur hoc pla-
cido vultu accipe nummulum, quod etsi
exiguum ac perquam pusillum, tamen ut
spero & opto utilitates suas habebit; nec ti-
d id propterea respues. Nam *& in Oceanum*
ritu decidere minores. Verum ne prologus,
quod dicitur, sit fabula longior, abrum-
pam. Deus Opt. Max. auctor & stator
CHRISTIANI nominis, Serenitatem Van-
statione ista quam temperatis, diutissime
seruet. Hamburgi vi. Idus Oct. M. DC. XCV.

Majestati T. deuotissimus

EROLDVS LINDENBRUCH.

HISTO.

I

HISTORIA

COMPENDIOSA ET SVCCINCTA

Serenissimorum Dania Regum.

DAN.



PRIMVS Danorum Rex Dan est appellatus, à quo etiam regnum appellationem est sortitum. Ideoque Dania ex primo Rege Dan nuncupatur. Hic ex vxore Gritha, summæ inter Teutonnes dignitatis matrona, genuit duos filios, Humblum & Lotherum.

HVMBLVS.

Secundus Rex **HVMBLVS**, Lotheri fratris Tyrannide consternatus, contempto Regni diademate, è Rege priuatus est factus. Nam in bello à fratre captus regni depositione vitam mercatus est.

LOTHERVS.

Tertius Rex **LOTHERVS** Humbli frater, hic ex Rege Tyrannus factus, omnisque nobilitatis extinctor, ab eisdem occiditur à quibus fuerat regno donatus.

SKIOLDVS.

SKIOLDVS quartus Rex Lotheri filius, natu-

A ram

ram à patre, non mores sortitus est, & factus insignis patriæ amator, atque egregius iustitiæ cultor. Si quidem impias leges abrogauit, salutare tulit. Qui cum speciosissimam puellam ex Teutonibus singulari certamine meruisset, interfecto Scato satrapa eiusdem competitore, ex eadem genuit filium Gram, ac tandem morte naturali periit.

GRAM.

Quintus Rex GRAM Skioldi filius, qui post gloriosas victorias & egregia facinora, à filio suo Suigdagero primo è Norwegia pulsus, deinde in Dania occisus est, substituto in Regem filio suo Guttormo, quem sibi tributarium fecit Suigdagerus.

GUTTORMVS.

VI Sextus Rex fuit GUTTORMVS filius Gram, qui fratri suo Suigdagero apud Noruagienses & Succos regnanti Tributarius fuit, breuique tempore regnans mortuus est.

SVIGDAGERVS.

VII Septimus Rex fuit SVIGDAGERVS, qui accepto post fratris cineres regno paterno, ab altero fratre nomine Hadingo viro fortissimo in ultionem paterni sanguinis est apud Gutlandiam nauali bello peremptus.

H.A.

HADINGVS.

Octauus Rex HADINGVS fuit, tertius filius VIII
Gram. Iste Hadingus post interemptum fra-
trem parricidam, ac multas generosas victo-
rias, suspendio se vulgo inspectante extinxit,
~~ut parem gratiam referret Hundingo Sueco-~~
~~rum regi, cui extincto promiserat se non su-~~
~~peruicturum.~~

FROTO Geffemild.

Nonus rex Hadingi filius FROTO Geffemild IX
id est, liberalis cognominatus. Iste Froto cum
multa liberalitate factus esset insignis, multif-
que victoriis gloriosus, aduersus regem Suetiæ
pugnans in bello finiuit vitam.

HALDANVS.

Rex HALDANVS Frotonis filius, duorum X
fratrum suorum factus est infamis interfector,
diuq. regnans in vltima senectute mortuus est.

ROE.

Rex ROE prius Haldani filius, qui pacem XI
magis quam arma doctus, studuit magis orna-
re acceptam ditionem, quam illius fines propa-
gare. Destructo igitur oppido Hogekoburg,
ædificauit in Selandia Roschildiam ciuitatem,
nomen illi imponens ex suo nomine Roe & fa-
matissimi eius vrbis fontis, qui lingua verna-
cula Kylde dicitur. Hic postquam diu regna-

A 2

set, ab

set, ab Haluardo Succorum rege interfectus occubuit.

HELGO.

xii

Rex HELGO Roe frater, qui post multas victorias, quibus triumphauerat aduersus Scalum Wandaliæ regem, atque filium ducis Saxoniæ, quem interfecit, etiam occidit regem Suetiæ Haluardum fratris sui Roe interfectorem. Porro cum illi exploratum esset, quod cum propria dormisset filia, nimio pudore confusus seipsum perdidit, propriis manibus sibi mortem inferens.

ROLVO.

xiii

Rex ROLVO nuncupatus liberalissimus extitit, cui Suetia fuit multis annis tributaria. Hic à genero suo Hiartuaro Suconum rege perfidissimo per dolum in arce Letra interfectus est.

HIARTVARVS.

xiiii

HIARTVARVS rex decimus quartus, eodem die quo dolose Roluonem regem occiderat, occiditur & ipse à Viggone milite Roluonis Regis fidelissimo.

HOTTERVS.

xv

Rex HOTTERVS, qui post Hiartuarum sumpto vtriusque imperio gloriose regnavit, factus etiam gigantum & falsorum deorum victor insignis. Iste Hotterus erat multis egregiis.

REGVM DANIAE.

giis artibus instructus, præcipue vero adeo cal-
lebat omne Musicorum genus, vt gaudio, mœ-
sticia, miseratione, vel odio mortales afficere "
nouerat. tandem interfectus perit.

BALDERVS.

Rex BALDERVS à stultis hominibus etiam xvi
Deus creditus. Is postea ab Othino rege inter-
ficitur in sinu quodam, qui in hodiernū diem
à prædicto Baldero dicitur Balderflut.

OTHINVS.

Rex OTHINVS, qui ob artes magicas, quas xvii
callebat & exercuit, diuinas laudes à barbaro
& stulto populo promeruit: Cuius nomine
etiam vnum hebdomadæ diem insigniuit, qui
tandem in Phconia occiditur, & sepelitur iuxta
~~amnem quendam, vbi Othonia ciuitas, ab eo-~~
~~dem Othino appellata, sita est.~~

RORICIVS.

Rex RORICIVS, Slingenbond' appellatus, xviii
Othini filius, regnauit inglorius, deficientibus
ab eo Suecis & Germanis, qui patris paruerant.
imperio, morteque naturali defunctus est.

HORVENDILLVS.

Rex HORVENDILLVS à Gutis in regem xix
electus, postea à Feggone fratre suo occiditur,
etiam cum raptu vxoris eiusdem.

A 3

FEG-

FEGGO.

- xx Rex FEGGO, à quo Feggesfund in Iutia nuncupatur. Ille Feggo in ultionem fraterni sanguinis, ab Amletho Horuendilli filio in ciuitate Wibergerensi occiditur.

AMLETHVS.

- xxi Rex AMLETHVS Horuendilli interfecti à Feggone patruo suo filius, qui tamdiu prudenter dissimulauit insaniam, donec ultus esset in patruo paternam necem, interfectus & ipse à Wigletio Tyranno vitrico suo, regni cōpetitore.

WIGLETVS.

- xxii Rex WIGLETVS Tyrannus, Amlethi victor & interfector. Hunc Wigletū, habentem regni moderationem tranquillam & diutinam, morbus consumpsit.

WERMVNDVS.

- xxiii Rex WERMVNDVS Wigleti filius. Is post diutinum regimen & interfectum Suecorum regem, ob senium & cæcitatem à Saxonibus contemptus est, quem contemptum egregie ultus est Wffo filius eius, iam ex dissimulato muto ac stulto factus non solum vir facundus, sed etiam fortissimus. Solus enim pugnans aduersus gigantes duos, utrumq. peremit, adempto Danis probro, quo exprobrati sunt à Suecis, quod

quod illorum regem solum offensum interfe-
cerunt gigantes Dani duo.

W F F O.

Rex W F F O Wermundi filius, etiam Olauus xxiii
mansuetus à quibusdam dictus. Huius præclara
gesta ob scriptorum inopiam solemnem fefel-
lere notitiam, quæ creduntur gloriosa fuisse,
quorum principia tam plena laudis fuerunt.

D A N . II.

Rex D A N Wffonis filius, nimirum inglo- xxv
rius filius gloriosissimi patris. Sic interdum (ait
Saxo) pignora portentis similia à maioribus suis
desciscunt. Omnia enim paterna bona & quæ
ipse ex hostibus parua habebat, quæ regio
splendori seruire debuerant, in flagitiis ac tur-
pitudine consumpsit.

H V G L E T V S.

Rex H V G L E T V S, qui Homothum & Hogri- xxvi
nium duos Suetiæ Tyrannos maritimo fertur
oppressisse conflictu.

F R O T H O . II.

Rex F R O T H O vegetus Hindsterke, qui eum xxvii
factus esset gloriosus cæde decem fortissimo-
rum ducum in Norwvegia, tandem regem Nor-
wvegia Frogerum singulari certamine peremit.

DAN.

xxviii Rex DAN Frothonis filius egregiam retulit
victoriam de rebellantibus Saxonibus, unde
eosdem sibi fecit tributarios, qui illum habere
tributarium contendebant.

FRIDLEVVS.

xxix Rex FRIDLEVVS cognomento Celer. Iste fer-
tur regnasse tempore Iulij Cæsaris, cum quo
etiam dicitur fædus pepigisse. Reuerso Iulio
nec audente cum Fridleuo pugnare ob publi-
cam famam, quæ tum narrabat apud Danos
esse viros fortissimos.

FROTHO, Fredegoed.

xxx Rex FROTHO cognomento pacis auctor,
Fridleui filius designatus rex sub providentia
curatorum, cum esset iam septem annorum.
Igitur principio regni eius gubernatoribus ma-
le agentibus, tanta erat vitæ licentia, vt nec le-
gibus, nec pudore cohiberetur obscena aulico-
rum petulantia. Verum adulto rege Frothone,
mutatæ sunt vices rerum: euasit enim regnum
ipsum non solum diuitiis, æquitate & legibus,
gloriosum: sed etiam incredibilibus quibus-
dam victoriis clarissimum. Cuius memoria
etiam nunc celebris est, tametsi apparet ipsum
regnasse ante quindecim secula: Nimirum eo
tempore, quo in Betlehem Iudææ ex virgine
matre

matre natus sit Dei filius, homo factus.

HIARNERVS.

Rex HIARNERVS, qui cum esset obscuris parentibus natus, suffragiis tamen populi diadema regni promeruit, tanquam ornati sepulchri ipsius Frothonis. Nam Frothonis sepulchrum grandi saxo inscripto Epitaphio ornauit: ob quod regno ab incolis donatus est, qui paulo post à Fridleuo Frothonis filio, Ruthenorum rege est interfectus. xxxi

FRIDLEVVS II.

Rex FRIDLEVVS Frotonis filius, hic cum regnaret apud Ruthenos, audita patris sui morte, primum succurrit præfecto Suecorum aduersus duodecim gigantes Norvvegiæ; quibus interfectis, præter vnum Biornonem, in Daniæ profectus est. Cuius aduentum audientes Dani, quem vano rumore mortuum credebant, iubent Hiarnereum regno cedere. Iste Fridleuus rex factus, interfecit Asmundum Norvvegiæ regem, ac paulo post naturali morte defungitur, relicto ex Frogertha vxore filio Frothone, cognomento Largo. xxxii

FROTHO III.

Rex FROTHO Fridleui filius, cognomento xxxiii
Largus, huius principatui multi gigantes parebant, inter quos præcipuus erat Starcatherus, multorum gigantum peremptor, atque mirabilem
B bilium

bilium rerum effector. Igitur cum hic Frotho gloriosissimum habuisset regnum multis annis, à Suertingo quodam Saxoniæ regulo dolose ad conuiuium vocatus, occiditur, vicissim occiso Suertingo. Suertingi enim scelus amborum interitus fuit.

INGELLVS.

xxxiiii Rex INGELLVS Frothonis filius, sed tanto patre prorsus indignus, quia luxu, libidine, & crapula adeo perditus erat, vt euaserit omnium ignauissimus. Adeo ne cogitauit de patris dolosa morte vlciscēda, vt filiam Suertingi patris interfectoris vxorem duceret. Cuius consuetudine tam mollis & deliciosus effectus, vt omnem auorum suorum gloriam prorsus obscurarit. Tandem Starcatheri exprobrationibus prouocatus, occidit in vltionem paternæ cædis septem Suertingi filios, quos secum habebat in gratiam vxoris quotidianos conuiuias. Periit autem rex iste naturali morbo in Lothra sede regali, iuxta quam sepultus legitur.

OLAVS I.

xxxv Rex OLAVS quartus Ingelli filius. Hic cum multis annis regnauit, nullam laudem tamen apud posteros promeruit. sub finem vitæ nihilominus prudenter duobus filiis diuisit regnum & imperium, Haraldo maris imperium, Frothoni vero terræ regnum tribuens.

HARAL-

HARALDVS I.

Rex HARALDVS Olai filius, cui maris con- xxxvi
tigit imperium, à fratre Frothone dolo occidi-
tur, vt solus regno potiretur.

FROTHO V.

Rex FROTHO Haraldi frater, qui nullo faci- xxxvii
nore clarus, etiam conatus est Haraldi filios ex-
tinguere, ne vllus esset parricidij vltor, qui ta-
men magno artificio suorum curatorum ser-
uati sunt, donec adoleuissent: adulti vero facti,
cum regiam Frothonis subiectam vndiq. igne
incendissent, Frotho fugiens ad opacos quos-
dam recessus, dudum constructos, vapore &
fumo strangulatus interiit.

HALDANVS I I.

Rex HALDANVS Haraldi filius, & patruus sui xxxviii
Frothonis interfector. Hic cum tribus annis re-
gnasset, relicto regno fratri suo Haraldo, Sue-
tiam inuasit, vicit & occupauit. Ericus rex Sue-
tiae occupaturus Daniam tribus proeliis victus
est ab Haraldo Haldani fratre. Quarto vero
proelio victor effectus Haraldum occidit. Sed
ab Haldano postea victus & interfectus, vita
simul & regno priuatus est. Erat hic Haldanus
corpore adeo robustus, vt claua immensae ma-
gnitudinis ferro vndique circumsepta in bello
vteretur, qua multos aliorum regum gigantes

B 2

occidit.

occidit. Ab hoc Haldano, qui ex inclyta matrona Thorilda genuit Asimundum Norwegiæ regem, omnes postea Norwegiæ reges magni æstimantur duxisse originem, ad eundem suam genealogiam referentes.

HVGVINVS.

XXXIX Rex HVGVINVS, Haldani nepos, cui regias opes testamento legauit, regemque constituit. Sic Huguinus postea ab æmulo, cui Regnaldo nomen erat, bello oppressus erat & peremptus, vnico filio Syualdo relicto.

SYVALDVS.

XL Rex SYVALDVS, cui filia erat Syritha, puella non solum speciosa valde, sed omnium illius seculi puellarum pudicissima, quæ nupta cuidam Otharo viro fortissimo, attulit patriæ magnum libertatis præsidium. Syualdus igitur pugnans aduersus Regnaldum, patris sui interfectorem, perpetuum triduum, Othari generi sui fortitudine victor euasit. Otharus enim interfecto Regnaldo in fugam conuertit gigantes plures quam quadraginta, inter quos erat Starchaterus, qui semper contempta quauis sæuitia, fuerat omnibus periculis maior.

SYGARVS.

XLI Rex SYGARVS succedit patri suo Syualdo. Hic habens filiã Signe nomine, cuius stuprum ab Hag-

ab Hagberto proco. perpetratum, peperit patri
interitum. Nam vt rex Hagbartum ob filiaē stu-
prum laqueo perdidit, ita vicissim ab Haquino,
Hagbarti fratre, peremptus occubuit.

SYVALDVS II.

Rex SYVALDVS post fratrem Sygarum. XLII
Huius temporibus pugnatum est tam acriter
aduersus patris sui peremptorem Haconem, vt
ex regio sanguine, ne vnus quidem remaneret,
præter solam Iuritham Alfi filiam, Sygarique
neptem. Videntes igitur Dani regium semen
defecisse, regnum popularibus tradunt, creatis
ex plebe principibus. Ostmarus præficitur
Scania, Hundingus Sielandiæ, Hano Pheoniæ,
Roricus Aquilonari Iutiæ, & Halterus Austræ-
li. Interea Gumarus rex Suetiæ interfecto Reg-
naldo rege Normannorum, Drolam Regnaldi
filiam rapuit, quæ ab eodem stuprum capere
coacta, filium procreat Hildigerum, crudelitatem
patre maiorem. Verum paulo post Borcarus
quidam, occiso Gumarō, eandem Drolam sibi
connubio sociat, ex qua Haldanum illum for-
tem Iurithæ procum genuit.

HALDANVS III. Haldanhinsterke.

Rex HALDANVS cognomento fortis, qui XLIII
multis victoriis gloriosus euasit, Iurithamque
acceptam sororem, interfectis duodecim gi-
gantibus Iurithæ custodibus, occiso etiam

B 3

sponso

sponso eiusdem primo die nuptiarum, ex qua:
postquam genuit Haraldum Hulletandt, à We-
feto pugile Sielandico interfectus est.

HARALDVS Hulletandt.

- XLIII Rex HARALDVS Hulsetand patri suo Hal-
dano successit, qui mox interfecto Weseto pa-
tris sui peremptore, adeo auxit Gotorum impe-
rium, ut omnia Occidentis regna, usque ad ma-
re mediterraneum illi subiecerit. Vnde ab aliis
» scriptoribus vocatur Alaricus, qui tempore Va-
» lentis Imperatoris dicitur vastasse vniuersam
» Italiam, adeoque Romam ipsam: fugientibus
» tamen ad Basilicas Apostolorum, morte iussit
» esse parcendum. Nocturna visione admonitus
de apparētibus sibi Apostolis Petro & Paulo co-
cultu, quo ad illum venerat Romanus Ponti-
fex pro vrbe legatus, ad procurandam pacem.
» Verisimilius est tamen hunc Alaricum non
» fuisse verum Gotorum regem, sed vice-regem
» tantum, quales multi tunc erant, sed omnes pa-
» rentes Haraldī imperio, qui erat rex Gotorum
» principalis. Iste Haraldus viribus potentissi-
mus, multisque regnis diues, pugnans aduersus
Ringonem nepotem suum rebellantem, quem
regno Sueonū præfecerat, interfectus occubuit.

RINGO.

- XLV Rex RINGO Haraldī nepos. Sed breui tem-
pore regnans. Schania Suecorum regno appli-
cata,

cata, puellam quandam nomine Hetham præfecit Sielandiæ, ac cæteris regni Daniæ prouinciis. Hic Suecis dicitur Haquinus Ring, qui victo Harald, Schaniæ præfecit quendam virum fortissimum, Olonem nomine. Hetha puella fortissima regnavit in Sielandia, Pheonia & Iutia, nomine regis 46. Verum Sielandenses probrosum rati parere fæmineis legibus, Olonem, quem Haquinus Ring Schaniæ præfecerat, regem postulant. Iutiæ vtriusque ergo principatum tenuit Hetha, sub tributo tamen seruiens Oloni.

OLO.

Rex O L O tantam exercuit tyrannidem, vt XLVI
superior reginæ & puellæ contemptus cunctis
pænitentiam pareret. aduersus quem cum duodecim duces conspirassent, destituti viribus & ingenio, Starchatherum pecunia asciscunt, qui acceptis centum vigintique auri libris, Tyrannum balneis vtentem, adeoque inermem confecit. Huic Oloni tanta erat oculorum acies, vt solo visu terrefaceret etiam viros fortissimos: Nec Starchatherus confectorem egisset, nisi rex Olo simulata feritate vultum mutasset, de Starchathero non aliud suspicans ob longam familiaritatis experientiam, quam illum esse ab insidiis alienissimum.

OMVN-

O M V N D V S.

- XLVII Rex OMVNDVS Olonis filius. Hic postquam maturuit, in nullo (inquit Saxo) paternis operibus defectior extitit. Siquidem res ab Olone gestas, aut æquare, aut transcendere, curæ habuit: In suis tamen tyrannidem non exercuit. Huius temporibus Starcatherus, voluntarie ab Hatero quodam interfectus, occubuit.

S Y V A R D V S I.

- XLVIII Rex SYVARDVS Omundi filius fuit infortunatissimus: Siquidē illius temporibus inuasērunt Sueci Schaniam, vicerunt, occupauerunt. Sic Germani quoque totam Iutiam. Igitur pugnans aduersus illū, qui Schaniæ erat præfectus, occisus est, occiso simul & Schaniæ præfecto.

B V T H L V S, Buthle.

- XLIX Rex BVTHLVVS Syuardi frater, ob mentis ignauiam coactus est aduenienti Iarmerico regnum tradere. Sicque ex rege priuatus euasit.

I A R M E R I C V S.

- I Rex IARMERICVS multis victoriis gloriosus, apud Slauios, quos frequenter rebellantes, etiam frequenter victos, rursus Danorum potestati subiecit, tandem seductus delationibus cuiusdam calumniatoris, cui Bicconi nomen erat, speciosissimam vxorem suam nomine Suauildam

dam regis Helleponti filiam ob stupri suspi-
cionem à Biccone falso intentatam tradidit
equorum calcibus proterendam: qua re magis
fuit illius obscurata gloria, quam prioribus vi-
ctoriis illustrata. Nam ob hanc causam ab vxo-
ris fratribus, amputatis sibi primum pedibus,
& manibus interemptus est.

BRODERVS.

Rex BRODERVS Iarmerici filius parum ido-
neus succedit in regnum. LI

SYVALDVS III.

Rex SYVALDVS nullius præclaræ rei auctor. LII

SVIO.

Rex SVIO Syualdi filius. hic patriæ res non
solum seruauit, sed etiam diminutas in pristi-
num statum reuocauit. Schaniam quoque à
Danicæ iurisdictionis integritate semotam, ad
societatem patriæ victoria insigni reduxit. Hic
regis Suetiæ vxorem vi rapuit, magno regni de-
trimento. Huius temporibus exorta graui fame,
exiit è regno grandis exercitus, qui superatis
Alpibus, proximam illius Italiæ partem, quæ
nunc Langebardia dicitur, ab eisdem vocabu-
lum sortita, quod essent longis barbibus, inuaden-
tes occupabant, ac interfectis omnibus viris,
relictas vxores accipiebant. Vnde creuit tota
Langebardorum posteritas. Hac autem ferun-
tur facta anno salutis DLXXXVI. LIII

C

BIORN.

BIORN.

LIIII Rex BIORN nullo egregio facinore insignis.

HARALDVS III.

LV Rex HARALDVS Biornonis filius rerum summam assequitur.

GORMON I.

LVI Rex GORMON Biornonis filius. Huic inter priscos Danorum duces non infimæ laudis locum rerum strenue gestarum titulus tribuit. Nam quæ de hoc Gormone feruntur sunt pænitus incredibilia; cuius curiositatem in peruestigatione secretarum ac mirabilium rerum omnes admirantur.

SIGEFRIIDVS.

LVII Rex SIGEFRIIDVS Gormonis filius, Godefridi frater, cuius vxorem Widekindus Saxonum Rex, seu vnus ex primoribus Westfalorum hospesque eius vxorem habuit, ex qua genuit Witpertum. Hic legatos suos misit ad Carolum Magnum, anno Christi DCCLXXXVII. castris positis ad Lippiaë fontem, cum omni Francorum exercitu consedentem, atque per dies non paucos ibidem morantem.

GOTRICVS.

LVIII GORMONIS filius rex GOTRICVS non armis modo, sed etiam liberalitate conspicuus, incer-

incertum fortior an clementior fuerit : adeoque feueritatem mansuetudine temperabat, vt alterum altera rependere videretur. Huius temporibus CAROLVS MAGNVS, victricia trans Rhenum castra receperat, cui Gotricus graua intulit bella, qui cum proprij satellitis proditoria manu interiisset, Carolus Magnus effuso gaudio exultauit, nihil eo casu vnquam fortunæ suæ iocundius obuennisse confessus.

HENNINGVS.

Rex HENNINGVS, cuius dignum memoratu opus (inquit Saxo) non reperi, nisi quod pacem cum Cæsare Ludowico iurisiurandi firmitate composuit.

LIX

OLAVVS II.

Rex OLAVVS Gotrici filius. Hic interfecto patris sui peremptore, ab aliis bellis abstinuit. Mortuus vero sepultus fuit apud Lethram, illius seculi regiam.

LX

SIVARDVS.

Rex SIVARDVS regis Norwegiæ ex filia Gotrici filius, Schanis, Sielandisque fautoribus regnat. Nam consobrinus eius Ringo, idemque Gotrici nepos, Iutiam occuparat: qui tandem mutua cæde sunt extincti.

LXI

REGNE

REGNERVS, Regner Lodbrogk.

- LXII Rex REGNERVS Lodbrog, Siuardi filius. Hic erat multis stratagematibus admirabilis, multis etiam victoriis gloriosus, Christianorum tamen acerrimus hostis & persequutor. periit captus in Hibernia, & serpentum lacui adiudicatus.

HARALDVS Klag.

- LXIII Rex HARALDVS Klag tyrannide Regneri fugit ad Ludowicum Imperatorem, cuius pietate factus est Christianus, roboratusque Saxonis auxiliis primus in territorio Sleswicensi templum Deo dicandum sollicitè & impense construxit, post sextum tamen annum factus est religionis Christianæ infamis desertor. regnavit annis XVI.

SYVARDVS III

- LXIII Rex SYVARDVS Reginfridi, Saxoni Regneri, cognomento Lodbrog, summis totius Danicæ concionis suffragiis, paternum apprehendit imperium. Huius inter alia præcipua laus est, quod paternæ necis vindicem egit acerrimum. Erat autem vir ut animo acer, ita viribus robustus, cuius fortitudinem & acrimoniam inde vel maxime possumus perpendere. Nam paternæ necis accepto nuncio, hostile quod forte manu tenebar, altius pedi stupefactus immer-
sit, inæ-

fit, mœroris magnitudine corpoream negligente molestiam. Quo factò simul fortitudinem mœroremque detexit, fortunam suam inter calamitosum filium constantemq. virum partitus. At post editas late strages, domestica claritate contentus, toga quam armis illustris haberi maluit, omissoq. castrorum cultu, ex acerrimo tyranno exactissimum pacis custodem gerere cœpit, tantum decoris in otio atque vacatione constituens, quantum ante in victoriarum frequentia repositum autumabat. Adeo autem studiorum eius mutatione fortuna fauorabiliter prosecuta est, vt sicut ipse nemine, ita nec ipsum quisquam hostiliter laceraret.

ERICVS I.

Rex ERICVS Haraldi frater, regnavit annis LXV
XIII. huius temporibus, commissio prælio adversus Guttornum patruem suum, periit omne semen regium, vsque ad vnicum Siuardi filium nomine Ericum Barnn: quo prælio vterque Ericus & Guttornus, cum innumeris aliis interemptus est.

ERICVS II.

Rex ERICVS Siuardi filius, dictus Barnn, LXVI
principio regni sui religiosissimum quemque aut suppliciis insequi, aut rebus exuere, exilioque mulctare perseveravit. Sed paulo post prædicante beato Ansgario Archiepiscopo Bre-

C 3 mensi

menti, sacrilegæ mentis terrore deposito, Chri-
 stianissimus euasit, regnauit annis, vt quidam
 volunt, quadraginta sex, & primus Ripis Basili-
 cam construxit. Huius temporibus erant prin-
 cipes homines crudelissimi, grassantes incredi-
 bili sæuitia, non solum in Dania, sed in Anglia
 quoque & Hibernia, omnes filij Rigneri Lod-
 brogi, quorum hæc sunt nomina, Ericus, Ore-
 bicus, Godefredus, Inguarus, Vbbo, Vlfo &
 Biorno. Isti fratres, duce Inguaro, qui omnium
 fratrum fuit crudelissimus, primo Norwegiam
 sibi subiiciunt: Deinde in Angliam venientes
 duos reges occiderunt, duosque fugarunt: Po-
 stea sanctus Eumundus Rex ab Inguaro cap-
 tus, ligatus & flagellatus, nouissime vero decol-
 latus est. Inde recedens dimisit classem cum
 aliis nouem regibus Aquilonis, ex quibus quos-
 dam destinauit in Germaniam, quosdam vero
 in Galliam, qui omnes fere vrbes Gallia & Ger-
 mania aut subegerunt, aut destruxerunt, tem-
 pla cum clericis vastantes, omnem quoque po-
 pulum sibi resistentem, cum mulieribus &
 pueris, in ore gladij trucidantes. Dum hæc agun-
 tur, moritur Ericus Barnn, relicto vnico filio
 Lodneknud adhuc infante: quæ audiens Ola-
 uus rex Suetia, cum grandi exercitu Daniam
 inuasit, vicis & occupauit, quinquennio possi-
 dit, factus rex sexagesimus septimus.

SIVAR-

SIVARDVS IIII.

Rex SIVARDVS Olavi Nepos regnat x. an- LXVIII
nis, tandem à Danis interfectus.

LODNEKANVTVS.

Rex LODNEKANVTVS Erics filius. Hic ex LXIX
desperato pene adolescente, auctor insperatæ
probitatis euasit. Hoc vero deflendus, quod
absque Christianæ religionis insignibus mor-
tem vitâ commutauit.

SVENO I.

Rex SVENO Langefod Canuti filius, regnat LXX
nouem annis.

FROTO VI.

Rex FROTO Suenonis frater. Hic Angliam LXXI
vicit, vbi & fidem Christi edoctus, Christianif-
simus euasit. Volens igitur communem esse toti
Daniæ hanc fælicitatem, misso legato ad Aga-
pitum secundum pontificem Romanum, fidei
doctores postulauit: sed priusquam rediisset le-
gatus, in domino mortuus est, cum regnasset in
Dania & Anglia annis viginti.

GORMON I.

Rex GORMON Frothonis filius regnat qua- LXXII
tuor annis. huius tempore defecerunt à Danis
Angli, pro quorum recuperatione nihil forti-
ter conatus est.

HARAL-

HARALDVS V.

LXXIII Rex HARALDVS Gormonis filius, ob hoc egregiorum operum vacuus, quod regiarum opum (inquit Saxo) seruator magis, quam propagator extiterit.

GORMO III.

LXXIII Rex GORMO acerrimus Christianorum persequutor: hos enim puniebat aut capitis supplicio, aut exilio damnabat, aut facultatibus exuebat. Templum etiam in fundo Slesuicensi à Christianis conditum, tanquam sacrilegum aliquod impietatis domicilium ab imis fundamentorum partibus demolitus est. Hic regiam maiestatem magis seruauit, quam auxit. Qui cum postulasset vxorem filiam Hedelradi Anglorum regis, nomine Thyram, cognomento Danckbod, non antea impetrauit quam polliceretur se Christianum fore; ex qua genuit duos filios, Chanutum & Haraldum. Hic Chanutus adeo erat patri dilectus, vt audita filij morte protinus expirauerit.

HARALDVS Blodtand VI.

LXXIII HARALDVS Blotand Gormonis filius. Huius temporibus, ~~Otto Imperator depopularus est rotam penè lutiam, quo fugato ac federe cum illo facto,~~ factus est Haraldus rex Christianissimus. Post hæc THYRA mater regis, quo redderet pa-

ret patriam tutiorem à clandestinis exterorum
 irruptionibus, quantum à Sleswico ad occi-
 dentalem Oceanum patet, vallo fossaque pro-
 scindere aggressa est. Cui postea Waldmarus
 rex & Absolon episcopus coctos lateres super-
 struxerunt, reficientes noua structura lapsus ve-
 teris valli. Iste Haraldus cum multis annis reg-
 nasset, à filio Suenone Tweskeg regni affectato-
 re, interfectus est per quendam Tokonem. cuius
 corpus Roskildiam missum, apud sacrarium,
 nuper ab ipso conditum, solemnem sepulturæ
 locum recepit.

SVENO Tweskegk.

Rex SVENO furcatæ barbæ. Hic consilio im-
 piorum quorundam nominis Christiani ho-
 stium, interfecto patre Haraldo, gauisus est se
 nactum esse occasionem sæuendi in diuina:
 sed infelicissimis casibus afflictus & flagellatus,
 tandem resipuit, factus Christianus & ipse, Pop-
 pone quodam diacono rem Christianam adiu-
 uante, edito apud Danos insigni miraculo. Is
 enim ad fidei Christianæ confirmationem, can-
 dens ferrum nudis manibus illæsus cunctis stu-
 pentibus portauit. Huius Suenonis beneficio
~~habent mulieres in regno Danie ius heredita-~~
 rium. Hic Sueno tres Episcopatus Iutiæ insti-
 tuit, Sleswicensem, Ripensem & Arhusiensem,
 mortuus est post conuersionem ac gloriosas vi-
 ctorias in perfectissimo vitæ fulgore, clarus
 Deo & hominibus.

D

CANV-

CANVTVS II.

LXXVII. Rex CANVTVS Suenonis filius. Hic Norwegiam occiso sancto Olauo obtinuit, gentemque Esthonicam sibi subdidit. Deinde Angliam aggressus, fugato rege Edeldardo ac in Londonia mortuo, triumphato regno, relictam defuncti regis, filiam Ducis Normanniæ vxorem accepit, ex qua genuit filium nomine Chanutum, cognomento durum, ac filiam vnam, quam Conradus Imperator accepit filio suo vxorem. Genuit etiam idem Chanutus alios filios duos ex Albina concubina, Haraldum & Suenonem. Regnauit igitur Chanutus iste senex super tria regna, Danorum, Anglorum, & Noruagensium, annis x x. Moritur anno Domini M. x L.

CHANVTVS III.

LXXVIII. Rex CHANVTVS Durus. Huius temporibus regnauit Haraldus frater in Anglia quatuor annis, & mortuus est, cui successit Chanutus durus, & Sueno secundus frater in Norwegia, annis fere quinque, quo defuncto Noruagienses elegerunt in regem Magnum, sancti Olauii filium. Quod cum rescisset Chanutus Durus, cum Anglis & Danis Noruagiam inuasit: vnde inito fædere, hac lege per amicos communes sunt reconciliati, vt qui fuerit alteri superstes, vtrunque regnum occuparet: Chanutus vero
Durus,

Durus, paulo post mortuus est, cum regnasset annis nouem.

SVENO . III.

Rex SVENO Estridis Chanuti Duri ex Esthryta sorore nepos. Huius temporibus Magnus rex Noruagiæ occupaturus regnum Danorum ex pacto, quod cum Chanuto Duro pepigerat, pugnavit aduersus Suenonem & vicit. Sueno igitur in Schaniam fugiens, atque inde in Suetiam fugam parans, audiuit Magnum esse mortuum, qui mox reuersus ab vniuersis Danis in regem eligitur. Regnavit autem annis xxviii. Huic erant quinque filij, qui omnes post eum regnauerunt. Iste Sueno erat magnus religionis cultor, ac præcipuus cleri amator, cui inter ceteros erat charissimus Wilhelmus Roskildensis episcopus, à quo sustinuit libere coargui & admoneri, si quando admisisset quicquam correctione dignum. Nam quemadmodum in vita sese mutuo dilexerant, ita in morte quoq. non sunt separati: Episcopus enim regio funeri solempni more occursum iussit parari duo monimenta, duoque pheretra ex urbe Roskildensi efferri. Cumque cognouisset in Topfow Vre adesse regium funus, erectis in cælum oculis & manibus, si quo rerum auctori seruitio placuisset, vitam à se finiri petiuit. hæc fatus, veluti in domestico lectulo acquiescens extinguitur.

LXXIX

D 1

HARAL-

HARALDVS VII.

LXXX Rex HARALDVS Suenonis filius natu grandior, huius tempore defecit ab obedientia Danorum Anglia, quæ iam M. XX. annis fuerat regibus Danorum vectigalis. Et quoniam regie functioni erat parum idoneus, sub illius principatu quisque suo voto vivebat, affectibus magis quam legibus, aut æquitati seruiens: vnius tantum legis editione, maximos meruit vulgi fauores, quia concessit reis in purgatione intentati criminis, vt sese iureiurando tuerentur, quæ lex erat hoc nomine vulgo gratissima, quod minus periculi formidaretur ex periurio, quam ex ferro. Erat autem Haraldus iste sacrorum officiis deditus, sed superstitiose magis quam pie. Cumque regnasset duobus annis, defungitur.

CHANVTVS III.

LXXXI Rex CHANVTVS sanctus, secundus Suenonis filius. Iste non solum egregius pietatis & religionis cultor, verumetiam magnus iustitiæ amator. Videns autem regni incolas hære in multis ad Christianam pietatem religionemque spectantibus, nec esse cæteris per orbem Christi fidelibus legibus & ceremoniis pares & conformes, cum essent ob contemptum regie iussionis, qua iussi erant expeditionem facere in Anglos rebellantes, graui pecunia mulctandi,

standi, remissa pecuniaria mulcta, religiosa pietate urgebat, ut ritu aliarum nationum Christianam religionem profitentium, decimas sacerdotibus suis soluerent. Qui perfidia Olavi fratris, ac prodicione cuiusdam Blocconis diversum persuasi, praecipue luti aquilonares frequentiter perfidi, insurrexerunt aduersus sanctum & iustum regem, fugientem in Pheoniam persequentes, ubi in vrbe Othonia sanctum Dei martyrem crudeliter occiderunt, in basilica, quae nunc domino Albano sacra est, anno regni sui decimo: cuius crudelem interfectionem fuisse verum martyrium, diuinæ pietatis multa miraculorum frequentia declarauit. Perit anno M. LXXXVIII.

OLA VVS, Hunger.

Rex OLA VVS tertius Suenonis filius. Hic ab LXXXII exilio Flandrensi reuocatus, remisso fratre Nicolao, quem vadem pro Olavi redemptione dederunt, omnium suffragiis rex creatur. Huius temporibus, in vltionem immanissimi parricidij, tantæ fuit annonæ caritas, ut multi fame perirent, quæ non tantum obscurorum familias vexabat, sed etiam vsque ad regis penates peruenerat: quas cum vidit rex periclitari mensarum inopia, diuinum natalem celebraturus, rogauit Deum, ut si quid iræ aduersus populum concepisset, suo non eius periculo satiaretur. nec difficiles numinis aures habuit. Nam

D 3

cadem

eadem nocte esurientem & parricidij penitentem animam efflauit, anno VII. sui regni, Domini M. XC V.

ERICVS Eigota III.

LXXXIII

Rex ERICVS cognomento & reipſa bonus, Fuere huic Erico filij Charaldus, Chanutus & Ericus, ſed prius concubina, ſecundus matrimonio, tertius adulterio ortus proditur. Erat autem Ericus iſte ſimul fortis & manſuetus, tenuitque medium temperamentum inter deſidiam & ferociam: quamobrem maioribus formidoloſus, minoribus autem percharus fuit, cum hos paterna indulgentia, illos regia ſeueritate inſequeretur. Filias quoque plures ex concubinato habuit. Huius temporibus factus eſt Aſcerus quidam, clariffimo inter Iutos loco natus, primus Archiepiſcopus Lundeniſis, prius enim parebant omnes Daniæ regni Epifcopatus Archiepiſcopo Bremenſi. Sub hoc Erico vixit glorioſus Skialmo Candidus, educator filij Erici, nimirum Chanuti Ducis. Tandem octauo regni ſui anno, pro expiatione ſummorum peccatorum religioſam amplexus eſt peregrinationem, Iudæam verſus, electis proceriſſimis quibuſdam peregrinationis ſociis, vt ſui corporis proceritatem conſentaneo ſociorum habitu minueret. In ea vero peregrinatione mortuus eſt in Cyprio inſula toto orbe famoſiſſima, ubi etiam non ſine grandi miraculo ſepultus eſt.

eadem

eadem insula, ab ipsius sepultura defunctorum
cadavera continente, quæ antea non poterat
continere, anno Domini M. C V.

NICOLAVS.

NICOLAVS quintus Suenonis filius. Huic LXXVIII
erat filius nomine Magnus, ex vxore Margare-
tha filia regis Suetiæ, homo crudelissimus &
impius, qui etiam interfecit sanctum Chanu-
tum martyrem & ducem, ipsius quoque fra-
trem Haraldum. Iste Nicolaus bello superatus
ab Erico Emund, occiso Magno filio, fugit ad
Slesvicum, vbi à Iutis interfectus est, in vltio-
nem Chanuti ducis, qui erat Iutis charissimus.
Anno Domini M. CXXXV.

ERICVS Emundt IIII.

ERICVS Emundt. Hic interfecto Haraldo LXXXV
fratre suo, vniuersisque liberis eius submersis,
tandem regnavit. Bello etiam vicit & interfe-
cit Magnum fratris sui Chanuti interfectorem.
Pacem igitur bello quæsitam iustitiæ ornamen-
tis excolere studuit. Grauius enim animadu-
tere cepit in maiores & potentiores, qui mino-
res iniuria afficiebant: vnde neque familiaritati
neque necessitudini parcebat: maiorum enim
inconsultam auariciam, aut ferro, aut laqueo
castigabat. quo studio & principum odia &
plebis obsequia contraxit. Hic Ericus ab Epi-
scopo Roskildensi Eschyllo, ob similitudinem
inter

inter illos exortam, pulsus est in Iutiam, Sialandensibus Eschylo opem ferentibus, solis Skialmonis filiis seditionis consortium detrectantibus: sed ut ad eos impunitas redundauit, ita ad Eschyllum poena concessit. Rege enim cum luttica classe reuerso, patris ac patruus interuentu usus, vicena auri talenta mulctæ nomine persoluit. tandem à Plogo quodam claro loco inter lutas nato, coram rege cuidam ex plebe de se queritanti respondente, lancea transfuerberatus occubuit; Anno Domini M. cxxxix, cum iam quatuor annis regnasset.

ERICVS Lamb v.

LXXXVI

ERICVS Lamb, Erici ex sorore nepos: hic præter solam animi fortitudinem nihil à natura dotis acceperat, sicut enim erat prudentia vacuus, ita parum amœnus eloquio. qui confectis aliquot bellis aduersus Olauum auunculi sui Harald filium, tandem Othoniæ factus est monachus. moritur regni sui anno viii. Christi M. cXLvii.

SVEINO IIII.

LXXXVII

SVEINO Erici Eumundi filius. Huius temporibus ambiebant regnum etiam Chanutus Magni filius, & Waldemar Chanuti ducis filius, variantibus inter sese populi suffragiis. Igitur Schanienses elegerunt Swenonem, una cum Sielandis, Iutorum principatum tenente Chanuto,

Chanuto, inter quos ancipiti semper victoria pugnatum est decem annis. Ab hoc Suenone captus est, & per ludibrium in templo Beati Laurentij suspensus, Eschyllus Archiepiscopus Lundensis. Vbi ergo Sueno iste nulla certa victoria videret sibi totius regni principatum contigisse, desperabundus fugit in Saxoniam. Interim Dani conuenerunt eligentes duos reges, Waldemarum filium Chanuti ducis, filij Erici Boni, & Chanutum filium Magni interfectoris beati Chanuti regis; hac lege, vt simul regnarent. Quod cum audisset Sueno ex Saxonia reuersus, hanc meruit gratiam, vt cum aliis duobus regni consortium acciperet, partito in tres partes vniuerso regno. Sueno igitur Saxonum praesidiis & armis fretus, mox Chanutum Roskildiae dolose occidit, occisurus etiam Waldemarum, nisi beneficio Hefberni Suare nepotis Skialmonis Candidi, seruatus ac in luttam maximo naufragij periculo fuisset transuectus. Quem cum insequeretur Sueno, eodem anno in praelio, quod Gratemosa commissum est, à Waldemaro victus & occisus est: vnde & iustas dedit perfidiae poenas.

CHANVTVS v.

CHANVTVS filius Magni, filij Nicolai interfectoris regis, beati Chanuti ducis. Hic naturam à patre fortitus, à paternis moribus erat alienus. Cumque duodecim pene annis dubia

E

spe

spe regnasset. Tandem à Suenone perfidissimo Roskildæ per insidias nocte occiditur.

WALDAMARVS I.

LXXXIX WALDAMARVS Chanuti ducis filius, non solum naturæ, sed etiam pietatis paternæ hæres egregius. Hic interfecto publico prælio perfidissimo Suenone, tandem solus regnavit. huius temporibus, cum frequentes facerent incursiones Saxones in Iutiam, Waldamarus & Absolon Episcopus Lundensis, ut multis annis arcerentur ab huiusmodi incursionibus, extruxerunt murum cocto latere, super vallo olim facto in eandem rem ab illustrissima Danorum regina Thyra Danebod, matre Haraldî Blotand, quam quidem structuram appellant Dani Wercke. Hic Waldamarus cum esset multis victoriis gloriosus, admirandis etiam rebus eximius, triumphata Rugia atque per Absolonem ad fidem conuersa, cum filiam suam dedisset Friderici Imperatoris filio uxorem, vidissetque sanctissimum patrem suum Diuorum Catalogo ascriptum, filium suum regni diademate ornatum, tandem mortuus est, cum regnasset annis xxv. in Ringstede sepultus, cum Serenissima regina vxore sua Sophia, filia Swerkonis regis Suetiæ, quæ obiit anno Domini M. CLXXXII.

CHANV-

CHANVTVS VI.

CHANVTVS primus Waldamari filius, qui xc
 per Absolonem Episcopum terra & mari glo-
 riose belligeratus est aduersus Romanum Im-
 peratorem contendentem Danorum regnum
 semper liberrimum, esse imperij feudum. Hol-
 satiam igitur & Dithmarsciam triumphauit;
 tandem cum regnasset annis xxii. mortuus est.
 Anno M. CCIII. in Ringstede, sepultus cum sua
 sorore Rebiza regina, vxore Erici regis Suctiæ,
 quæ obiit anno M.CCI.

WALDAMARVS II.

WALDAMARVS Chanuti frater, fuit multis xci
 victoriis gloriosus, qui Danis fertur etiam le-
 gem composuisse, antiquas leges aut emēdas-
 se, aut in ordinem redegis-
 se. Noruegiam vicit, cui
 regem tributarium dedit Erlingum quendam,
 ducemque constituit Philippum: accepit au-
 tem vxorem nomine Dagmor filiam regis Bo-
 hemiæ. huius temporibus initium habuerunt
 ordines minorum & prædicatorum sub anno
 M.CCVIII. Et eodem anno pugnatum est in Le-
 tia Ostgotiæ, duce Suerchero Hack rege Sue-
 tiæ, filio regis Caroli interfecti à Chanuto rege,
 filio sancti Erici, in cuius vltionem Suer-
 cherus interfecit omnes Chanuti filios, vnico
 Erico filio in Noruegiam euadente. huic Suer-
 chero auxilium à Waldamaro postulanti,

E 2

additæ

additæ sunt Danorum copiae fortissimæ, viro-
rum videlicet octodecim millia, sub principi-
bus belli Ebbone Simonis & Laurentio illius
fratre, fortissimis pugnatoribus, filiis domini
Suenonis Sielandici de Knaretorp, factaq. est
magna vtriusque exercitus strages. ceciderunt
in eo prælio præfati belli Principes; pugnatum
est autem pridie Kal. Februarij, cessitque victo-
ria Suerchero, sed maxima sui exercitus iactura,
cæsis innumerabilibus Succis. Rursum anno
M. CCX. bellatum est. Gulstus Reen ibi & rex
Suercherus occubuit & dux Folcho, alij quoq.
multi viri nobiles de Folchongis, cessitque vi-
ctoria Suecis. Anno M. CCXIII. Cum defuncta
esset regina Dagmor, celebratæ sunt secundæ
nuptiæ regis Waldemari, cum filia regis Portu-
galie, qui anno sequenti constituit filium suum
Waldemarum regem in placito Wibergensi,
qui tamen ante patrem suum mortuus est, an-
no Domini M. CCXXI. sepultusque est Rein-
stadiæ cum vxore sua Dagmar, filia regis Bohe-
miæ, & cum vxore secunda Bormgera, filia re-
gis Portugalie, sorore Letueme Comitissæ Flan-
driæ, quæ obiit Anno M. CCXX. Eisdem tempo-
ribus cum Otto Imperator armato milite ve-
nisset aduersus Waldemarum regem, occupa-
turus Holsatiam, si res illi ex voto succederent,
verum cum audisset regem Waldemarum sibi
” cum ingentibus copiis occurrere, in fugam est
” conuersus, nec quieuit donec ultra Albiam
ventum.

ventum esset. Anno Domini M. CCXVI. Waldemar rex terram Comitis Henrici ultra Albiam paulatim vastare ac populari cepit, extruxitque duas arces non procul ab Hammaburg. Ducatumque Erico filio suo contulit. Comitatum autem, quem ab Hinrico Comite vindicauit, Nicolao filio suo (quem ex pellice habebat) dedit. Anno M. CCXXII. dolo captus est rex Waldemar cum filio Waldemaro, & in Slauoniam deductus. Anno autem M. CCXXVI. grandi pecunia redemptus, anno M. CCXXXII coronatus est Ericus Waldemari filius in regem, & frater eius Abel Iutiae Ducatum accepit. Anno M. CCXXXIX. idem Ericus duxit uxorem Iutram filiam ducis Saxoniae. Igitur cum Waldemar gloriose regnasset annis xxxix, mortuus est M. CCXLI. in caena Domini, quae erat quinta Kal. Aprilis: in Ringstede sepultus, regno in optima pace relicto, ac filiis omnibus antea matrimonio iunctis.

ERICVS VI.

ERICVS Waldemari filius, vir bonus ac pius. XCII
Hic multis annis aduersus fratrem suum Abel virum crudelissimum belligeratus est: a quo tandem dolo capitur, capiteque truncatur in vigilia sancti Laurentij, M. CCXLII.

ABEL.

ABEL Erici frater & peremptor, cum duobus XCIII
E 3 bus

bus annis male regnasset, à Phrisonibus est interfectus Eiderstadiensibus, iusto Dei iudicio, quod ille prius occiderat regnandi cupiditate innocentissimū fratrem suum, anno M.CCXLII.

CHRISTOPHORVS I.

XCIII

CHRISTOPHORVS frater Erici & Abelis, nullo facinore gloriosus erat. Sub illius Principatu tanta erat plebis rebellio aduersus regem, vt coacta turba irruuens in arces regias, quas aut destruxit aut prorsus est demolita. Vno scelere euasit infamis: accepit enim Archiepiscopum Iacobum captiuum, quem carceri mancipauit in arce Hagenscow. Cuius causa iam regnum fuit nouem annis sub interdicto. Mortuus est anno Domini M. CCLIX. Circa hæc tempora obseruatum est quiddam in Suetia, quod à temporibus sancti Erici initium habuit. Cum enim in Suetia Upsalenses sanctum Ericum, in Scania vero Ostgoti Carolum Suerceri Hack patrem elegissent, constituerunt, vt ex his duabus progeniebus, alternis vicibus, eligerentur reges: quæ constitutio durauit centum annis, vsque ad tempora Bugeri ducis, patris Waldemari, & Magni Ladelaas regum Suetiæ, qui captos dolo præcipuos de Folkengis viros eximios occidit, vt regnum apud illius posteros perseveraret.

ERI-

ERICVS VII.

ERICVS Klipping erat multis flagitiis oper-
tus, sacrilegiis, oppressionibus, ac infami libidi-
ne, ita vocatus, vt omnibus haberetur inuisus.
Igitur anno M. CCLXXXVI. cum ruri ageret ve-
nationis gratia, ac nocte beate Cecilie dormiret
in villa Findetorp Wibergensis diocesis, iace-
retq. cum multis in horreo quodam multū so-
poratus, ingressi sunt clam septem viri praua
laternula, studio armati: quorum vnus regis ca-
put manui innixum graui pugione crudeliter
transuerberat, cæteri vero inuadentes regis ca-
dauere iam exanime, intulerunt illi vulnera LXX.
in ultionem perfidiæ ipsius regis, ac præcipue
nefandæ libidinis, qua expugnauerat corru-
peratque multarum etiam nobilium matrona-
rum pudicitiam, inter quas etiam fuerat stuprata
uxor domini Strigoti Andree, regni Marscalci.
Iste Ericus dedit filiam suam nomine Sophiam
Waldemaro regi Suetiæ uxorem: qui ob stu-
prum eiusdem sororis Sophiæ è regno pulsus,
habuit Magnum Ladelaas fratrem suum regni
successorem.

XCV

ERICVS Memwidr VIII.

ERICVS Memwidr Erici filius, aliquot vi-
ctoriis aduersus Teutones insignis, Rosto-
chium triumphauit, & iuxta Warnaw turrim
extruxit.

XCVI

extruxit. Huius tempore Anno M. CCLXXXVII. iuratum est in Dacia à xxvii viris nobilibus, Dominum Iacobum Comitem Hollandiæ, Dominum Stigotum Marschalcum, Dominum Nicolaum Hallenrezfar, Dominum Petrum Porse, aliosque multos illorum complices, veros esse regis Erici interfectores: qui statim sibi timentes in Noruagiam fugerunt, receptique sunt sub regis Noruagiæ protectione, Anno M. CCXCIII. Mortuus est autem dominus Stygotus quondam interfecti regis Erici Marschalcus, in insula Hielmus, quam arce quadam munierat, ubi regis interfectores tuta habebant præsidia, unde etiam piraticam exercebant. A Stygoti enim obitu dispersi sunt, ac diuersis locis supplicio affecti. Nam anno statim sequenti captus est Ranelonus, qui extra Roskildiam rota percussus occubuit in ultionem interfecti regis Erici, cuius idem Ranelonus fuerat cubicularius, adeoque proditor infamis. Iste Ericus mortuus est sine liberis M. CCCXIX. cum regnasset annis xxxiii. in Ringstede sepultus: & ad sinistram suam iacet mater sua Agnes regina, vxor regis Erici Wibergis sepulti, filia Alberti Marchionis Brandenburgensis, quæ obiit M. CCCIII. & ad dexteram eiusdem iacet vxor sua, filia Magni regis Suetiæ, quæ obiit anno M. CCCXIX.

CHRI-

CHRISTOPHORVS II.

CHRISTOPHORVS Erics frater, qui electus xcvii
 est anno M.CCCXX. erat regni diademate prorsus indignus ob ignauiam, nec vnquam fortunatus aut felix, adhuc omnis nobilitatis osor, populi vorator. Igitur tanquam perfidus princeps sustinuit multorum rebellionem: quam declinare volens bis è regno fugerat, rediitque spe recuperandi, sed nullo fructu. Nam Holsatjis in pignus dederat vniuersam Schaniam. Habebat autem tres filios, Ericum, Ottonem & Waldemarum: Ericum regem constituit, vt vna secum regnaret. verum vterque male regnans, graue odium incurrit. Nam regni proceres fugato patre filium captum carceri manciparunt in arce Hadersleff, qua occasione caperunt Holsatiæ Comites regnum ambire, nihil non tentantes, vt Danos in perpetuam quandam seruitutem redigerent: quod animaduertentes Danorū proceres, reuocant ab exilio Christophorum regem, & Ericum illius filium à vinculis absoluunt, qui paulo post breui tempore regnantes calamitosa morte defuncti sunt. Anno Domini M.CCCXXXIII. Dominus Magnus Rex Suetiæ redemit vniuersam Schaniā à Dominis Holsatiæ, qui illam in pignus acceperant à Christophoro rege Danorum, patre Waldemari Duri. Redemptionis autem pretium erat Lxx millia marcharum argenti puri; videntes

F enim

» enim Holsati ob tyrannidem, qua grassaban-
 » tur in vniuersam Schaniam, defecisse Schaniae
 » procures ad Magnū Smeg Suetiae regem, coacti
 » sunt vendere, quod alioqui non fuissent diu
 habituri. Anno Domini M. CCC XL. cum in
 regno Daciae adhuc esset interregnum, mortuo
 scilicet rege Christophoro, & non dum ex aula
 Imperatoris reuerso Waldemaro, Iutiam sunt
 hostiliter ingressi Domini Holsatiae, Ioannes
 Dux & Gerardus Comes, eandem mox occu-
 paturi. Cumque Comes Gerardus ad Randu-
 siam Iutiae ciuitatem peruenisset, ac ibidem sua
 firmasset praesidia, à nobili quodam viro Nico-
 lao Elbonis, patriae libertatis studiosissimo,
 nocte interfectus occubuit, cum multis nobili-
 bus ac aliis militibus, quos secum in praesidiis
 ibidem habebat.

WALDEMARVS III.

xcviii

WALDEMARVS cognomento Repro-
 bus, fertur fuisse versutissimus, auarissimus
 & audacissimus, qui cum offendisset regnum
 pauperrimum, scilicet à suo patre spoliatum,
 ab hostibus Alemanis vastatum, à quibus tum
 etiam multae arces possidebantur, mira vafri-
 cie vindicauit è possidentium manibus, mini-
 ma sanguinis iactura, principio regni sui, sci-
 licet Anno Domini M. CCC XL. Vindicauit etiam
 Schaniam, abusus simplicitate Magni regis, ac
 dolo exustis omnibus eius literis. Anno vero
 proxi-

proxime sequenti vindicata Schania, iam aperto Marte inuasit Olandiam & Gotlandiam: atque cum crudelissime vastasset vtramque, interfectis in Olandia quingentis viris, in Gotlandia vero duobus millibus; eodem anno amisit Olandiam & Gotlandiam * est & retenta. Iste Waldemarum in asserendo regno fuit admodum gloriosus. Nam vt illud in libertatem assereret, nihil non tentauit: receperat vastatum, spoliatum, depauperatum, & quodammodo in solitudinem reductum, non tam ignauia patris ac fratris, quam exterorum excursionibus, sed liberum ac florentissimum reliquit. Hanc tamen illius gloriam obscurarunt, insatiabilis auaritia, ac infamis perfidia, qua violato iure iurando, cepit tyrannidem exercere aduersus nobilitatē totius regni, quam etiam extinctam cupiebat, quo crudelius grassaretur in omnes, iam sublato metu, qui solet esse officij custos. Ob hanc enim causam pertulit ab ipsis proceribus frequenter rebelliones, non insidiantibus regi, & crudeli, & formidabili, sed sibi magis prospicientibus ne perirent, quorum tamen rebellionem crudeliter vltā est in multos Margareta illius filia, trium regnorum regina, quantumuis visa sit aliis virtutibus spectabilis. Erat autem Waldemarum iste adeo irritabilis in omni re, vt etiam facile fuisset fidem relicturus, ni obstitisset religiosus quidam pudor. Nam Romano Pontifici ob tyrannidem ac

F 2 perfidiam

perfidiam interdictum ac excommunicationem minanti, fertur in hæc verba respondisse.
 » Waldemarus rex &c. Romano Pontifici salutem, Naturam habemus à Deo, regnum ab incolis, diuitias à parentibus, fidē vero à tuis prædecessoribus, quam, si nobis non faues, remittimus per præsentēs. Vale. Habebat autem uxorem nomine Helwig, filiam Waldemari ducis Sleswicensis, ex qua sustulit præcipue duas filias, vnā, quæ nupsit Haquino Noruagienſium regi. hæc fuit Margareta regina trium regnorum. Alteram quæ nupsit duci Magnopolensi, cui genuit duas filias, matrem Erici regis de Pomerania, & Christophori regis de Bauaria. Cum multis annis regnasset Waldemarus, mortuus est in arce Gaure à se extructa, sepultus Soræ cum patre suo, Anno Domini M. CCCLXXV.

MARGARETA.

MARGARETA loco regnavit Waldemari patris, mulier crudelissima, ac inferno digna, Suecorum sententia, verum Danorum opinione
 » Christiana ac religiosa valde, & adeo potentia, fortuna, victoriis, diuitiis ac prudentia gloriosa, vt fortunatissimos viros videatur nō solum æquasse, verum etiam longe superasse. Hæc regnante patre nupsit Haquino filio Magni Smeg regis Suetiæ & Norwegiæ, cui vnicū filium genuit, Olauū nomine, Anno Domini M. CCCXLI.
 qui

qui fertur ignota morte periisse, non dum accepto regno, Anno M. CCCLXXXIII. Regnavit autem post mortem Haquini sui mariti annis xxxii. Bellum enim ab Haquino captum aduersus Albertum regem Suetiae illa gloriose perfecit. Anno Domini M. CCCLXXXIX. misso ex Dania grandi exercitu, sub principe belli domino Iuaro Lucke, pugnatum est in Asle aduersus Albertum regem, cessitque fortuna ipsi Margaretæ victoriam, captusque est Albertus in prælio, vna cum filio suo Erico duce, simulque cum illis capti sunt Rodolphus Archiepiscopus Scharensis, Dux Magnopolensis, regis Alberti pater, Comes Holsatiæ, & Comes de Reppin, alij quoque multi Barones, & proceres, interfectis multis militibus plebeis. Nam equites aurati ibidem cæsi fuerunt xix, exceptis aliis nobilibus, qui numerari non possunt. Nam vt erat gloriosa victoria, ita præcesserat atrox bellum. Captus igitur Albertus & in Dania ductus, sex annis in captiuitate durat. Liberatus est autem à captiuitate anno M. CCCXCV, circa festum Michaelis, hac lege, vt præfixo termino aut solueret reginæ LX Marcharum millia argenti puri, aut fieret deditio ciuitatis Holmenensis, aut rediret in captiuitate perduraturus. Cumque nec rediret, nec soluere valeret tantam summam, scripsit Holmenensibus, & mox consequuta est deditio. sicque obtento vniuerso regno gloriose regnavit, pepigitque fædus

illud solemne, quod tria regna coniunxit, quod
utinam duraret in hodiernum vsque diem.
» Ictum enim erat fædus hac lege, vt in electio-
» ne regum, alternis vicibus haberet Suetia pri-
» mum suffragium, Dacia vero alternis. Et quo-
» niam in electione Erici regis Dacia primum
» habuerat suffragium, mox in electione Christo-
» phori regis, etiam primum vsurpabat suffra-
» gium: qua temeritate & arrogantia offensi Sue-
» ci, statim elegerunt sibi proprium regem Caro-
» lum Canuti, maximo vtriusque regni dispen-
dio. Hæc Margareta cum orbata esset posteri-
tatis spe, nimirum mortuo Olauo filio, voca-
tum ad se Ericum nepotem ex Pomerania, in
regem eligendum curauit, anno Domini M.
CCCXCVI. cum esset quatuordecim tantum
annorum, qui statim anno sequenti Calmaria
est coronatus ab Archiepiscopis Lundensi &
Vpsalensi, præsentibus Episcopis Lincopensi,
Scharensi, Arengenensi, Arosteni, Vexionensi,
Ariofinensi, Ripensi, Orcadensi, vbi creati sunt
» ex tribus regnis equites aurati centum triginta
» tres. Itaq. Margareta cum Erico habebat com-
mune regnum, vsque ad diem mortis suæ, ac-
cepitque ille uxorem, filiam regis Angliæ, no-
mine Philippam, anno M. CCCCVI. Celebratæ
sunt nuptiæ Lundis eodem anno, circa festum
omnium sanctorum. Cumque diu regnasset,
semper cleri amatrix, magno laicorum odio,
tandem mortua est, ac Roschildiæ sepulchro
precioso

precioso sepulta anno M. CCCCXII, circa festum Simonis & Iudæ.

ERICVS x.

ERICVS filius ducis Pomeraniæ, Waldemari pronepos. Hunc Ericum narrat Suecorum Chronicon, sic educatum fuisse à Margareta regina in omni perfidia & crudelitate, vt Waldemaro nihil fuerit inferior, imo perfidia superior, adeo vt dicant illū ex Margarete vberibus suxisse quicquid malitiæ illa velut hæreditario iure à patre crudelissimo & versutissimo possederat. Obtestata enim super literis, & iuramentis seruandis, de fide castrensi non in externos transferenda, solita erat respondere; Seruate vos qua potestis diligentia nostras literas, nos curabimus arces seruari. Hic Ericus obtestatus de iureiurando fertur eadem sententia respondisse Suetiæ *Eder ja Herre wil jag icke vare.* Huius Erii temporibus fecerunt Alemanni grauem irruptionem in regnum Danorum, sed nullo suo commodo, Philippa regina, & senatu regni aduersus illos pugnantibus & vincentibus. Rex autē Ericus visus est bellis nihil aliud quæsisse, affectasse, desiderasse, quam suorum procerum ac nobilium interitum, ideoque fertur amasse bellum, victoriam non amasse, semper contentus cladem aliquam suorum fidelium procerum accepisse. Qui cum erga omnes esset perfidus & iniquus, ~~Succis tamen quam~~ Danis

xcix

„ Danis erat iniquior, aut sic à Margareta edo-
 „ ctus, quæ Suecis fuerat semper durissima, aut
 „ alio affectu priuato. Nam quo semper posset
 Suecis inter * esse ab utroque regno deturba-
 tus, elegit Gotlandiam insulam, tanquam exilij
 tutissimum præsidium: unde pyratice in Sue-
 cos perpetuè exercuit, Danis interim parens,
 „ à quibus etiam recedens, & in Pomeraniam
 „ rediens, tradidit totam Gotlandiam possiden-
 „ dam & asseruandam. Aduersus hunc Ericum,
 feruntur multa scripta accusationum capita,
 quibus palam est illum fuisse è regno iustissi-
 me profligatum: ac inter cæteras grauissimas
 querelas, xxvii proditiones capitales & infam-
 es. Cumque diu regnasset, multis adulteriis
 opertus, voluptatibus deditus, periurio, rapina,
 perfidia, violentia, tyrannide ac proditione sce-
 leratissima, conspiratione solemnium omnium
 procerum regni publicam libertatem optimo
 iure asseruantium consternatus, sibi male con-
 sciis fugit in Gotlandiam, compilatis regni
 thesauris, ac comitatus vnica concubina præ
 cæteris charissima, cui nomen Cæcilia, quæ non
 minimam præstitit expulsionis causam, cum
 esset illi multorum malorum incentrix ac con-
 sultrix. Fugit autè anno Domini M.ccccxxxviii.
 cum à coronatione sua regnasset annis xiiii.

CHRI-

CHRISTOPHORVS III.

Rex CHRISTOPHORVS dux Bauariæ, etiam c
 Waldemari pronepos: hic electus est in Regem
 consilio Erici regis. Cui si contigisset vita diu-
 turnior, euasisset valde gloriosus, præcipue ad-
 uersus petulantiam ciuitatum quæ à gallinis
 (Henstede) nomen habent. Nam ad illarum
 petulantiam coërcendam ac refrenandam (qua
 etiam regnis ac principibus minitabantur) vi-
 debatur valde idoneus: vehementer enim do-
 lebat Lubecam olim à Danis extructam, Dano-
 rumque regibus subiectam, sic per proditio-
 nem libertatem vindicasse, vt illi nunc domi-
 nari cupiat, cui prius subiecta seruebat. Ad
 eam igitur rem perficiendam collegit ab vni-
 uerso regno magnam pecuniarum vim. vnde
 offensi Aquilonares Iuti, excitata graui seditio-
 ne rebellare tentantes, à rege victi sunt; graui-
 terque mulctati. Cumque duxisset vxorem fi-
 liam Iohannis Marchionis Brandenburgensis
 nomine Dorotheam, sine liberis mortuus est
 anno regni sui septimo, Domini M. ccccxlviij.
 in arce Helsingborg. Erat autem iste Christo-
phorus Danis quidem acceptus, Suecis inuisus:
 quibus tamen ad mortem vsq. dominatus est.

CHRISTIERNVS I.

Centesimus primus rex CHRISTIERNVS, ci
 eius nominis primus, filius Theodorici Comi-
 tis de

tis de Oldenburg, & ~~Hedwigis sororis Adolphi~~
~~ducis Slesuici. Electus est autem consilio~~
~~domini Adolphi ducis Holsatiae, cuius erat~~
~~consanguineus, qui ducta vxore Dorothea,~~
~~præcessoris sui Christophori relicta vidua, ge-~~
~~nuit ex illa filiam vnam nomine Margaretam,~~
~~postea Scotia regis vxorē, ac duos filios, Iohan-~~
~~nem & Fridericum. Hæc electio facta est anno~~
~~Domini M. ccccxlviij. Huius temporibus~~
 „ plene defecit Suetiæ regnum à fædere trium
 „ regnorum, coronato sibi proprio rege Carolo
 „ Canuti filio, eiusdem regni Marschalco; quo
 tandem expulso ob tyrannidem ac perfidiam,
 assumptus est Christiernus etiam in Suetiæ re-
 gem, sed paruo tempore regnantem, seditio-
nem aduersus illum mouentibus Succis qui-
buisdam natura factiosis, Carolo iam reuocato
 ex vrbe Gandamensi, in qua vii annis exilium
 transegerat. Iste Christiernus cum esset natura
 clemens, egregiusq. pecuniarum contemptor,
 nec odij tenax, aut iniuriarum vindex, habuif-
 set suo seculo regnum minime violentum, pa-
 rum etiam cruentum, si calumniatores quidam
 illius simplicitate nō fuissent, in magnam regni
 Suetiæ perniciem abusi. Archiepiscopus enim
 Vpsaliensis, Dominus Iohannes Benedicti, vir
 nobilissimus, falsis delationibus quorundam
 calumniatorum à rege Christierno captus ac
 ludibriis affectus multis, in Daniam etiam mis-
 sus, vbi magna iniuria calamitose vixit. Cuius
 tamen

tamen patrocínio ac præsidio Christiernus rex adeptus erat regni diadema. Idem enim Archiepiscopus succensus patriæ libertatis amore, odio habens Caroli regis maximam perfidiam, crudelissimam tyrannidem, atque insatiabilem auaritiam, semper restitit Carolo regi principi perfidissimo, quem sciebat contra trium regnorum solemne fœdus, priuatis quorundam suffragiis violenter intrusum esse regem. Rex tamen Christiernus, deprehenso calumniatorum dolo, à captiuitate absolutum Archiepiscopum in Suetiam magno cum honore remisit: qui restitutus gradui pristino, contempta captiuitatis iniuria, ad mortem vsque magna Suecorum perfidorum admiratione permansit regis Christierni regno & Principatui fidelissimus. Cum igitur Christiernus iste, grandi pecunia, partim à regni tributis collecta, Holsatiæ ducatum redemisset, Sueciam armis vicisset, Gotlandiam occupasset, Erico rege decrepito in Pomeraniam reuerso, filioque suo Iohanni vxorem accepisset, urbemque Romani religionis gratia visitasset, regnassetq. annis ferme triginta tribus, anno Domini M. CXXXCI. inter Pascha & Pentecosten diem clausit extremum, fortitudine, armis, & victoriis potens, misericordia, gloria, & magnificentia diues, fide vero & religione pius: sepultusque est Roschildiæ, in sacello quodam à se fundato & extructo, atq. amplissimis possessionibus donato,

G 2

quod

quod ad australem plagam adhæret Basilicæ beati Lucij Martyris, cuius religiosus cultus & ornatus, sacræ quoque Diuorum reliquiæ ex vrbe Roma delatæ, quæ ibidē visuntur, testantur Christiani principis religiosam pietatem.

IOHANNES.

- cii Centesimus secundus rex IOHANNES, primus eius nominis. Hic vxore ducta nomine Christina, filia domini Ernesti Ducis Misniæ, genuit duos filios, Christiernum & Franciscum, & filiam vnā nomine Elizabetam, quæ nupsit domino Ioachimo Marchioni Brandenburgensi. Ille Iohannes cæpit regnare statim ab obitu patris sui Christierni, multisque annis, nimirum triginta pene duobus, Christianè regnum Danorum moderatus est. Nam principio regni sui, sequutus consilium prophanorum procerum, decreuerat molestus esse viris Ecclesiastici ordinis: postea vero cum sentiret prophanos inueterato odio (quo laici sunt semper clericis offensi) id suasisse, sententiam decreti sui mutauit. Igitur ad finem vsq. vitæ suæ erga clerum fuit optime affectus, deprehenso procerum dolo. Quod si non tanta pietate dilexisset vniuersum clerum, veneratusque fuisset omnia Christianæ religionis sacra, multa fuissent aduersus cleri libertatem à proceribus quibusdam tentata, quæ successerunt illis sub principatu regis Christierni famosi tyranni, ac Frederici

derici primi nuper defuncti. Erat autem rex Iohannes præditus solertia, vt prudenter nobilium quorundam insania frueretur: quos cum mira comitate sibi conciliaſſet, ob mutua tamen ipſorum diſſidia, ac quotidianas iniurias, quibus ſe inuicem afflictabant, grauiter in eos animaduertebat: quibus tamen nulla videbatur intollerabilis mulcta, quod omnia leniret incredibili affabilitate. Quod ſi temperaſſet à bello & ſanguine (in quæ tamen caſu magis, quam propoſito inciderat) abſtinuiſſetque ab iniqua ſententia, qua decernebat contra hæredes domini Pauli Laxmand magiſtri equitum, fuiſſet ſane Princeps & optimus & fæliciffimus. Porro cum in rebus mortalium nihil ſit ab omni parte beatum, & optima quæque deſiderantur verius quam habentur, non minimam laudem merentur ij, qui vitam agentes in deliciis ac opibus, huiusque caduci ſeculi ſtrepitu ac pompa, multis adulatoribus, calumniatoribus, & paraſitis obnoxij, mediocritatem ſeruare potuerunt. Huic principi bellum meditati aduerſus dominum Stenonem Sturam, regni Suetiæ gubernatorem, reſtitit Dorothea mater, quamdiu vixit. Nouit enim prudentiſſima mulier, tantam eſſe Suetici populi perfidiam, vt quacunque ratione victi, & ſubiugati, non eſſent tamen diu fidem ſeruaturi. Mortua vero matre pugnauit ac vicit, vix tamen triennio poſſedit, rebellantibus Danis Stenone & Suan-

tone proditoribus perfidissimis, maximo in hodiernum diem vtriusque regni detrimento. Triumphauit autē anno Domini M.CD.XCVII. Anno vero M. D. I. defecerunt ab illo, obsessa ac tandem capta in arce Holmensi regina Christina. Porro cum Suecorum proceres in defectionem aduersus aliquot reges, tum Daniæ, tum Suetiæ à multis excusentur; deficientibus tamen omnibus à rege Iohanne, nec apud cordatos Suecos excusationem habent, quando ipsius regnum fide plenum ab omni violentia, omnique tyrannide liberum fuerat. Quod si Waldemari, Margaretæ, Erici, Christophori, Christierni quoque secundi regna fuissent tam incruenta, tamque procul à tyrannide & violentia, adhuc fortasse illibatum trium regnorum fœdus durasset, nisi ~~populi alioquin ad seditionem nati obstitisset perfidia.~~ vno tantum bello Ditmarsicēsi fuit infortunatissimus, quod gestum est anno Domini M.D. vbi superis non fauentibus feruntur periisse multi viri nobilissimi ac clarissimi. Dicebatur enim vulgo iecirco illos infelici Marte pugnasse, quod ante conscriptam militiam, conspirassent aduersus clerici & Ecclesiasticorum libertatem, quorum redditus & possessiones gloriabantur se mox occupaturos, victores bello Ditmarsicēsi reuersos. Quod si fœlicius successerit iis, qui sub exorto Lutheranismō iam similia moliebantur, imo longe maiora, non solum in perniciem quorundam

rundam praelatorum, sed in exitium totius cleri, studiorum, literarum, disciplinarum, omniumque sacrorum totius Christianae religionis, posteritatis esto iudicium. Caterum bello irauali erat fortunatior, quò frequenter triumphauit, ac praecipue aduersus Lubicenses, perpetuos Danici regni oscores. Mortuus est autem peste captus in ciuitate Olburgensi, mense Februario, anno Domini M.D.XIII. Hic Princeps post fata multorum lachrimis est desideratus, etiam illorum qui uiuentem auersabantur, quando iam videbant filij principatum minari cruentam tyrannidem, horrendumque & inauspicatum exitum portendere. Hic Iohannes sepultus est Ottoniae: cuius Epitaphium habeo descriptum, cum Epitaphio vxoris Christinae.

CHRISTIERNVS II.

Centesimus tertius rex CHRISTIERNVS secundus, Iohannis filius. Hic ex florentissimo regno post patrem accepto, reliquit tam calamitosum, vt nunquam fuerit ab orbe condito calamitosius. Erat enim famosus tyrannus, quia omnibus tyrannis superiorum seculorum maior, crudelitate, impietate, periurio, sacrilegiis, & perfidia adeo infamis, vt qui Neronem, Phalaridem & Syllam cum hoc contulerit, is semiunciam cum asse contulerit. Caterum cum sequitia ac crudelitate sua, quam exercuit in omnis generis homines, tam Ecclesiasticos quam
politicos,

CIII

Continuatio.

políticos, defunctis etiam non parcens, Proceres regnorum offendisset, pulsus est ab ipsis, patruo, & Lubicensibus in exilium anno Domini M.D.XXII. regni IX. in quo per decennium vixit in Germania. Reuersus cum exercitu in regnum, spe eius recuperandi, captus est, detentusque in captiuitate vsque ad mortem, quam Callenburgii oppetiit anno Domini M.D.LIX. XXV. Ianuarij: cum vixisset annos LXXVII, & aliquot menses, sepultus Ottoniæ iuxta patrem. Habuit viuente coniuge concubinam, filiam Sidrehti, quæ multorum malorum & bellorum in Septentrionalibus regionibus ansam præbuit. Vxor vero eius fuit Elisabetha vel Isabella filia Philippi regis Hispaniarum & Archiducis Austriæ, quæ in feruissima tempestate Hassniam appulit anno Domini M.D.XV. IX. Aug. mortua anno Domini M.D.XXV. XI. Ianuarij. sepulta Gandaui, matrona ob pietatem in Deum aliasque virtutes laudatissima. Ex hac nati sunt Philippus, Maximilianus, ambo infantes mortui, Iohannes apud auunculum Carolum V. Imp. in Vngariam mouentem obiit Stenbruchi, Anno Domini M.D.XXXII. eodem die quo pater captus est, cum pueriles annos egressus esset, Princeps ingenio præstans. Dorothea nupta Friderico Palatino Electori, anno Domini M.D.XXXII. Christina, hæc coniunx fuit I. Francisci Sfortiæ ducis Mediolanensis, II. Francisci ducis Lotharingiæ, ducta anno Domini M.D.XLI.

FRIDE-

FRIDERICVS I.

FRIDERICVS I. pacificus & humanus Rex ciii
Daniae & Norwegiae, Dux Slesuicensis, Holsa-
tiae, Stormariae, Wagriae & Ditmarschiae testa-
mento patris constitutus: verum cum esset puer
nouem annorum in conuentu Kiloniensi frater
rex abolito patris testamento cum ipso diuisit
has regiones, & reliquit ipsi Gottorp, Tunde-
ren, Haderszleuen, Eile, Stenborch, Trittow,
Aldenborch, Plone, Kyle, Canoniatumq. ipsi
Coloniae impetrauit. sed cum ad aetatem perue-
nisset maturiorē, considerans iniquam diuisionem
à fratre factam, repetiit legatum paternum
ab eodem per cōsiliarios regios, & partem reg-
norum iure haereditario addi volebat: verum
rēspoſo minus iucundo, additis insuper minis,
Cōsiliarij dimissi sunt. Quienit itaque quoad
frater vixit, & eidem militauit contra Ditmar-
schos Anno Christi M. D. A Christiano. 14. pa-
truelle eadem quae à fratre petierat requirens,
nihil impetrat. Eundem, coniungens se cum
proceribus Danicis, & cum illis fœdus contra-
hens, propter tyrannidem pellit, & curam reg-
norum Daniae, Norwegiaeque suscipit, anno
Domini M. D. xxiii. Hafnienses se dediderūt illi
inente anno M. D. xxiiii. die trinum Regum,
quibus Magnus Gye Fridericus praefecit. Ipse
urbem nondum ingressus est. Sed ad Comitia
regni generalia procēses regni Hafniam ad
H diem

diem Iohannis Baptistæ conuocauit. Qui ex-
 cluso, ob tyrannidem & perfidiam in Succos
 & Danos nobiles perpetrata, Christierno,
 FRIDERICVM Regem, nobilitatis privilegia
 certis articulis inclusa confirmantem, vnanimi
 consensu elegerunt, & die vii. Augusti corona-
 runt. Coronatus doctrinam Ecclesiæ à D. Mar-
 tino Luthero repurgatam publice in templis
 proponi mandat, Anno Christi M. D. XXIII.
 Obiit Gottorpij Anno Christi M. D. XXXIII.
 III. Aprilis, sepultus Sleswigæ in choro templi
 Cathedralis, ornatusque Alabastrino monu-
 mento, cum vixisset annos LVI. & regnasset an-
 nos X. Vxores habuit duas. Primam Annam,
 filiam Iohannis Electoris & Marchionis Bran-
 denburgici, ductam Anno Christi M. D. mor-
 tuam Anno Christi M. D. XIII. III. Maij, sepul-
 tam in Borsholmensi monasterio, sub monu-
 mento orichalcino. Ex qua sustulit filium
 vnum & vnā filiam; CHRISTIANVM III. Da-
 niæ Regem, & Dorotheam I. natam anno Chri-
 sti M. D. IIII. Alberri I. Borussia Ducis Anno
 M. D. XXV. vxorem: Alteram Sophiam Bugisla-
 ui X. ducis Sterinensis in Pomerania, ductam
 Kilonij Anno Christi M. D. XLII. vbi etiam
 mortua est Anno Christi M. D. LXXII. ætatis
 LXX. & ultra, sepultaque Sleswigæ, ex qua ge-
 nuit tres filios, totidemque filias: Iohannem se-
 niorem heredem Norwegiæ, ducem Slesuici,
 Holsatiæ, Stormariæ & Ditmarschiæ, nutritium
 Ecclesiæ

Ecclesiæ & scholarum, mortuum ἀγαπών Haderstenuj Anno Christi M.D.LXXX. 2. Oct. ætatis LIX. sepultum Sleswigæ in crypta regia: Adolphum hæredem Norwegiæ, ducem Slesuic &c. natum anno Christi M.D.XXVI. 26. Jan. & Fridericum natum Anno Christi M.D.XXIX. Episcopum Hildesensem & Slesuicensem, coadiutorem Bremensem, mortuum Kilonij Anno Christi M.D.LVI. XXVII. Octob. ætatis XXV. sepultum Sleswigæ in monumento auito: Elisabetham natam Anno Christi M.D.XXIII. nuptam I. Anno Christi M.D.XLIII. Magno duci Megapolensi: & II. Ulrico duci Megapolensi. ex hac nata est filia vnica Sophia, vxor Friderici II. regis Daniæ, &c. Annam peste mortuam Flensburgi, sepultam Sleswigæ. Dorotheam II. nuptam anno Christi M.D.LXXIII. Christophoro duci Megapolensi, mortuam Anno Christi M.D.LXXV. * 21 Nouem. sepultam à sorore Elisabetha Gustruij in monumento Regum Obo-
tritorum.

* al' v III.
Decemb.

CHRISTIANVS III.

CHRISTIANVS III. Rex Daniæ & Norwegiæ, Gottorum & Wandalorum, Dux Slesuicæ, Holsatiæ, Stormariæ & Ditmarschiæ, comes Oldenburgensis & Delmenhorstensis, natus Anno Christi M.D.III. XII. Augusti. Patre Friderico Daniæ regnum tenente, patrium ducatum administrabat; primam Ecclesiarum in-

CV

H 2

specio-

spectionem suscepit anno Christi M. D. xxvii.
 commendata rerum Ecclesiasticarum & visita-
 tionis cura præcipue Eberhardo Widenſcio
 Theologiæ doctore, quem Magdeburga prin-
 ceps euocarat, & Herimanno Taſtio, paſtori
 Flensburgenſi quibus ex nobilitate, Iohannes
 Ranzonius aulae magiſter, Iohannes Reuen-
 low, & alij adiungebantur. Electus in Regem
 Daniæ à proceribus anno Christi M. D. xxxv.
 coronatus à Iohanne Bugenhagio Pomerano,
 anno Christi M. D. xxxvii. Patrualem Chriſti-
 anum ii. captiuum detinuit. Sonderburgi in in-
 ſula Alſen, & poſtea in arcem Kallenberch trãſ-
 tulit. Obiit Anno Christi M. D. LIX. Kal. Ian.
 hora v. vespertina, cum vixiſſet annos Lvi. reg-
 naſſet xxii. princeps pietate, iuſtitia, æquita-
 te, moderatione, prudentia, ſapientia & reliquis
 heroicis virtutibus aliis regibus prælu-
 cens. Depositus primum Odense in Funia, ſed
 à filio Roſchildam translatus, & monumento
 alabaſtrino ac marmoreo, cui hæc regio ſep-
 tentrionalis ſimile non habet, honoratus. Vxor
 Dorothea, filia Magni ducis inferioris Saxo-
 niæ, Angriæ & Weſtphaliæ, nata Anno Christi
 M. D. xi. 2. Iulij, coronata Haſſniæ cum marito
 Anno Christi M. D. xxxvii. Obiit Anno Christi
 M. D. Lxxi. vii. Octobris, vespere hora v. ſepul-
 ta Sonderburgi, ſed poſtea Roſchildam tranſla-
 ta & iuxta maritum humata eſt. ex qua pro-
 creauit Fridericum ii. Regem Daniæ &c. An-
 nam,

nam, coniugem I. Augusti Electoris Saxonici
& Marchionis Misniae &c. ductam anno Chri-
sti M.D. XLVIII. XIII. Octobris, & mortuam
anno Christi M.D. LXXXV. I. Octob. Magnum
ducem Holsatiae, Stormariae & Ditmarschiae
&c. natum anno Christi M.D. XL. 14. Augu-
sti, Hassniae, qui factus est Episcopus Orpaten-
sis in Liuania, dynasta in Osel & Wick, duxitq.
in uxorem Mariam Magni ducis Mueconiae ex
parruele neptem, & mortuus est anno Christi
M.D. LXXX. Dorotheam uxorem Wilhelmi iu-
nioris ducis Brunsvicensis & Luneburgensis,
ductam Anno Christi M.D. LXI. 12. Octobris,
& Iohannem iuniorem ducem Holsatiae, Stor-
mariae & Ditmarschiae &c. natum Coldingiae
Anno Christi M.D. XLV. 29. Martij, ducentem
in uxorem I. Elisabeth filiam Ernesti Ducis
Brunsvicensis & Luneburgensis in Embeck &
Grubenhagen, Anno Christi M.D. LXVII. Col-
dingiae in Iutlandia. II. Agnem Hedwigis fi-
liam Ioachimi-Ernesti principis Anhaltini, vi-
duam Augusti Ducis Saxoniae Electoris &c.
Anno Christi M.D. LXXXVI.

FRIDERICVS I.

FRIDERICVS II. Rex Daniae, Norwegiae, CVI
Gottorum, Wandalorumque, Dux Sleswicen-
sis, Holsatiae, Stormariae & Ditmarschiae, comes
Oldenborgensis & Delmenhorstensis, natus
est anno Christi M.D. XXXIII. 1. Iulij, in Bla-
H. 3 d. lichen,

derfleben, electus & coronatus Anno Christi M.D.LIX. xx. Augusti, quo anno Ditmarschios auxilio patruelium Iohannis & Adolphi &c. vicit & subiugauit. Cum Erico XIII. rege Sueciae septennale bellum gessit, ab anno Christi M.D.LXIII. vsq. in annum Christi M.D.LXX. quo interuentu principum pax facta est inter hunc & Erici XIII. germanum fratrem Iohannem.

His tot ac tantis rebus domi forisque gestis, Fridericus rex quum totum se pacis studiis dedisset, anno M.D.LXXXVII. III. Octob. in praedio Neugardt tentari primum morbo capit, qui etsi iugulum statim non petierit, lenta tamen aegritudine corporis vires ita prostrauit, vt finem vitae rex instare praesentens, totum se ad animi emigrationem compararit. Tandem igitur omnibus quae ad morituros pertinent pie sancteque compositis, Sacramento Cerae Dominicae prouisus, in vera ac pia diuini nominis inuocatione firmaque in Christum fide placide constanterque, IIII. April. circa vesperam inter quartam & quintam horam, in Regia arce Anderschow sita in Selandia, annum agens enneaticum quinquagesimum quartum, quum regnum annos viginti nouem tenuisset, magno omnium bonorum mærore decessit, obdormit, ac ex turbulento hoc ad caeleste regnum emigrat. Nam praeter heroicam animi magnitudinem, qua tam grauissima bella gessit, felicitatem, auctoritatem, tanta pietate Deum colebat,
tanto

tanto amore literas complectebatur, tanta sinceritate erga confederatos, tanta virtute & iustitia erga cunctos antecellebat, tanta constantia Christianam Remp. asserebat, tanta in bello magnanimitas, in pace fides culta erat, vt eius morte Ecclesia & literarum studia, & Respub. magnum vulnus accepisse videri possent, si non cum filium post se reliquisset; qui paternæ virtutis æmulus, spem eius sanandi certissimam sustineret. Ipso die Paschatis Regium funus præstantissimo balsamo conditum, in sarcophagum positum, Anderschow Roschildium lugubri pompa deductum, ibidemque regio monumento v. Iunij illatum est, comitantibus Illustrissimo, illustrissimique generis Principe ac Domino D. Christiano eius nominis quarto, Daniæ Noruegiæque &c. electo Rege, cum auctore suo inaterno illustrissimo principe ac Domino, D. Vldarico, Duce Megapolensi, Principe Wandalico, Comite Suerinensi, Regionum Rostock & Stargardt Domino &c. alijsq. principibus ac Legatis, in quo sacello & Christiernus i. proauus, & Christianus iii. pater Friderici Regis, vna cum coniugibus, Christina videlicet & Dorothea (quæ ambæ ex familia Saxonica nate sunt, illa Ernesti Electoris Saxoniae, hæc Magni filia ducis inferioris Saxoniae & Westphaliae) resurrectionem ad vitam æternam expectant. Sophia vxor Friderici ii. Regis Daniæ &c. cuius nuptiæ Hassniæ celebratæ sunt anno Christi M. D. LXXII. 20. Iulij,

64 HISTORIA REGVM DANIAE.

20. Iulij, & sequenti die in reginam Daniæ &c.
coronata est. ex qua progeniuit Elisabeth anno
Christi M.D.LXXIII. 25. Aug. Coldingæ. Annam
Sunderburgi anno Christi M.D.LXXIII. 12. Oct.
Christianum Fridericum Friderichburgi, anno
Christi M.D.LXXVII. 12. April. Vlricum anno
Christi M.D.LXXVIII. 30. Decemb. Augustam
anno Christi M.D.XXC. 8. Aprilis. Hedewigem
anno Christi M.D.XXCI. 5. Augusti. Iohannem
Hadersleuij anno Christi M.D.XXCIII. 26. Iulij.

CHRISTIANVS IIII.

CVII

CHRISTIANVS IIII. Rex Daniæ, Norwe-
giæ, Gottorum, Wandalorumque, Dux Slesvi-
centis, Holsatiæ, Stormariæ & Ditmarschiæ,
comes Oldenburgensis & Delmenhorstensis; na-
tus Friderichburgi, Anno Christi M.D.LXXVII.
12. Aprilis, regnatque adhuc summa cum laude
utiliter & prudenter hoc anno à partu virginis
currente M.D.XCV. Faxit æternus pater Saluator-
is & liberatoris Domini nostri Iesu Christi,
vt tum ad Ecclesiæ & Reipub. Christianæ Salu-
tem, tum ad familiæ suæ splendorem, & decus
immortale propagandum, quam diutissime
uiuât, regnet & salutaria consilia conferat.

FINIS.

INDEX

INDEX.

A.
ABSOLON Episcopus 25.34
 Adolfus dux Holstia 50
 Agapetus Pontifex Romanus 23
 Agnes regina 40
 Alaricus 14. vice-rex Gothorum ibid.
 Albertus Rex Suecia 45. in bello capitur ibid.
 Albertus Marchio Brandenburgensis 40
 Albia fluvius 37
 Albina concubina regis Cantuari 26
 Alemanni in Daniam irrumpunt 47
 Alfus 13
 Allsen insula 60
 Anderschouarx 62
 Anglia 22. deficit a Danis 23. 28. debellatur 23
 Angria 60
 Anna coniux Augusti Electoris Saxoniae 61
 Annona caritas in Dania 29
 Ansgarius Archiepiscopus Bremensis 21
 Arhusiensis Episcopus 25
 Ascherus primus Lundensis Archiepiscopus 30
 Asmundus Norwegiae Rex. 9. 12

B.
BALDERELVD unde dicatur 5
 Basilica D Albani 29
 Bellum septennale inter reges Daniae & Sueciae 62
 Bicco calumniator 16
 Biorn vnus Gigantum 9
 Biorno filius Regneri 22
 Boccus Gumarum interfecit 13. Drolam vxorem ducit. ibid.

C.
CAECILIA concubina Erici regis Daniae 48
 Callenburgum 56
 Candens scitum nudis manibus portatur 25
 Carolus v. capitur 56
 Carolus Magnus 18. 19
 Carolus Canutus Rex cligitur 46

Carolus Sueciae Rex 50
 Christina vxor Ioannis regis 52
 Christophorus rex de Bauaria 44
 Coldingia 61
 Conradus imperator. 26

D.
DANIA vnde dicta 1
 Dani vni fortissimi s. Schaniam recuperant 42
 Ditmarsie bellum 54
 Ditmarsii subiugantur 62
 Dorothea vxor Christophori 49
 Dorothea vxor Wilhelmi ducis Brunsvicensis 61
 Drola Regnaldi filia 13

E.
EENO Simonis princeps belli 36
 Eberhardus Widenficus 60
 Edelradus rex Anglorum 26
 Eiderstedenses 38
 Elisabeth filia Ernesti ducis Brunsvicensis 61
 Elisabeth filia regis Ioannis 52
 Ericus rex Sueciae 11. Haraldum occidit ibid. ipse interficitur ibid.
 Ericus filius Regneri 22
 Ericus rex in Ludram proficiscitur 30
 Ericus v. monachus fit 32
 Ericus Rex de Pomerania 44
 Ericus Rex Sueciae 35
 Ernestus Dux Misniae 52
 Eschyllus Episcopus Roschildensis 31. Ericum regem in Iutiam pellit 32. ipse suspenditur 33
 Ethonica gens 26
 Esthrita Chanuti Dni soror 27
 Eumundus Rex capitur 22. interficitur. ibid.

F.
FEGGESVND unde dicatur 6
 Findetorp 39
 Foedus a Margareta istum 46
 Franciscus dux Lotharingiae 56
 Franciscus filius regis Ioannis 42
 Franciscus Sfortia dux Mediolanensis 56
 Frideuus Ruthenorum rex 9
 1 Frogerus

INDEX.			
Frogerus Norwegiæ rex singulari	7	Daniæ provinciis præficitur	15
certamine interficitur	7	Hiartuarus Sueconum rex	4
Frogerta vxor Fridleui	9	Hibernia	20.22
Funia.	60	Hildigerus	13
G.	13	Hogekoburg oppidum destruitur	3
GALLIÆ Germaniæque vrbes	22	Hollatiæ comites regnum Daniæ am-	
subiguntur	22	biunt	41
Gauere arx	44	Homothus & Hogrinus Suetiæ ty-	
Gerhardus Comes interficitur	42	ranni opprimuntur	7
Germani Iutiam inuadunt	18	Humbilus capitur	1
Godefredus filius Regneri	22	Hundingus Suecorum rex	3
Goticus Carolo Magno bellum in-	19	Hundingus Sielandiæ præficitur.	13
fert	19		
Gram occiditur	2		
Gratemofa	33	I.	
Gritha vxor Dan.	1	IACOBVS Archiepiscopus	38
Gulstus Reen Vir Nobilis	36	Iacobus Comes Hollandiæ	40
Gumarus Rex Suetiæ	13	Inguarus filius Regneri	22
Guti	5	Ioachimus Marchio Brandenburgensi-	
Gutlandia	3.43	sis	52
Guttornus.	21	Ioannes Marchio Brandenburgensis	49
H.		Ioannes Dux Holsatiæ	41
HADERSLEBEN arx	41	Ioannes Benedicti Episcopus Vpfa-	
Hadingus se suspendit	3	lensis	50
Hagbertus filiam Sygari viuat	12.	Ioannes Ranzouius	60
strangulatur	13	Ioannes Reuentlow	60
Hagenschow arx	38	Ioannes Bugenhagius	60
Halterus Australi Iutiæ præficitur	13	Isabella vxor Christierni secundi	56
Halwardus Suecorum Rex interfici-		Iuarus Lucke	43
tur	4	Iulius Cæsar fœdus icit cum Fridle-	
Hammaburg 37. non procul inde duæ		uo Danorum rege	8
arces extruuntur	ibid.	Iuritra filia Alfi	13
Hano Pheoniæ præficitur	13	Ius hæreditarium mulieribus concess-	
Haquinus (qui & Haco) Sygarum		lum	52
interficit	13	Iutia 6. Aquilonaris & Australis	13
Haquinus Ring	15	Iutia ab Hollatis inuaditur	42
Haquinus Norwagiensium Rex	44	Iuti Aquilonares perfidi	29
Haraldus Alanicus ab aliis dictus	14.	Iutta filia ducis Saxonie.	37
verus rex Gothorum.	ibid.		
Haterus Starchaterum interficit	16	K.	
Hedelradus Anglorum rex	14	KALLENBORCH arx	60
Heligo propriam filiam viuat	4. seip-	Kranetorp.	36
sum interficit	ibid.	Kylde fons.	3
Helsingborg arx	49	L.	
Helwig vxor Waldemari	44	LANGOBARDIA vnde dicta	17
Henricus comes	37	Letra arx	4.10.19
Henstede vnde vocentur	49	Lex noua ab Haraldo edita	28
Hermannus Tastiis	60	Lippia fons	18
Hesbernus Suare nepos Skialmonis	33	Litteræ Waldemari regis Daniæ ad	
		Pontificem Maximum	44
Hetha puella Sielandiæ ac ceteris		Liunia	61
		Lou-	

INDEX.

Londonia	26	R.	
Lotherus occiditur	1	R	ANDBVSTIA Iutiae ciuitas 42
Lubeca à Danis extracta.	49		Rebiza regina 35
			Regnaldus interfectus Huguiui 12.
			ipse interficetur ibid.
M.			Reinstadia 36
MAGNVS Sineg Suetiae Rex	41		Reliquiae martyrum Romae delatae 52
Magnus dux Holfatiae	61		Rhenus 19
Margareta filia regis Suetiae	31		Ringstede 34. 37
Margareta filia Waldemari regina			Ripis Basilica aedificatur 22
Daniae	44		Ripensis Episcopus 25
Margareta Scotiae regis vxor	50		Rodolfus Episcopus Scarenfis 45
Maria vxor Magni ducis Holfatiae	61		Roricus Aquilonari Iutiae praeficitur
			13
N.			Roschildia aedificatur, 3. vnde dicta
NEVGART praedium	62		ibid.
Nicolaus Elbo Gerhardum co-			Rostochium 39
mitem interficit	41		Rugia ad fidem conuertitur 34
Nicolaus Hallenrezfar	40		Rutheni. 9
Norwegiae reges vnde originem du-			
cant.	12		
O.		S.	
ODENSEHE	60	S	AXO Grammaticus 7
Olandia	43		Saxones tributarij efficiuntur 8.
Olaus Rex Suetiae Daniam occupat			incurfiones in Iutiam faciunt 34
22			Scalkus Wandaliae Rex 4
Olburgum	55		Scania 13. 27. Holfaris oppignoratur
Olo Scaniae praeficitur	13		41
Ordo minorum ac praedicatorum	35		Scaniam Dani recuperant 42
Orebicus filius Regneri	22		Scato satrapa interficetur 2
Ofel	61		Selandia 3. 13
Oftmarus Scaniae praeficitur	15		Signe filia Sigari vitatur 13
Otharus duxit vxorem filiam Syualdi			Skialmo Candidus educator Ducis
12			Canuti 30
Othini dies	5		Skioldus leges sanxit 2
Othonia ciuitas 29. vnde dicta	5		Sleswicenfis territorium 20
Otto imperator Holfatiam occupare			Sleswicenfis Episcopus 25
voluit.	36		Sonderburgum 60
P.			Sophia Waldemari coniux 34
PAVIVS Laxmand magister equi-			Sophia Friderici fecundi coniux 59
tum	53		Sore arx 44
Petrus Porfe	40		Starchaterus gigas 9. interficetur 12
Pheonia	5. 13. 29		Starchaterus Olonem interficit 15. ip-
Philippa vxor Erici regis Daniae	46		se interficetur 16
Philippus Rex Hispaniarum	56		Steno Stura regni Suetici gubernator
Plogus nobilis Iutus regem Ericum			53
interficet	32		Steno & Suanto Danis rebellant 54
Poppo diaconus 25. candens ferrum			Stygotus Andreas Regni Danici Ma-
nudis manibus portauit	ibid.		refcalkus 39
Portugalliae regis filia regi Walde-			Sueci Scaniam inuadunt 16
maro nubit.	36		Suerkerus Hack rex Suetiae 35
			I 2 Suerko

INDEX.

Suerko rex Sueria	34	constituit, veteres emendat	35
Suertingus Saxonie regulus	10	Valens imperator	14
Suena tributaria Regi Danorum	4.	Warna w	39
debellatur	11	Vbbo filius Regneri	22
Suigdagerus patrem suum interficit	3	werke	34
Supplicium Suawilda filie regis Hel-		wesetus pugil interficitur	14
lesponi	17	westfali	18
Supplicium Haraldi	17	Viffo contra gigantes pugnat 6. etiam	
Syritha filia Siualdi.	12	Olaus dictus est	7
T.		wibergensis ciuitas	6
THEODORICVS comes de Olden-		widekindus Saxonum rex	18
borg	50	Viggo miles Roluonis Hiartuanum	
Thorilda Haldani vxor	12	interficir	4
Thyra filia Helderadi	24. 34	willhelmus Roschildensis Episcopus	
Toko regem Haraldum interficit.	25	27. miraculum quod ei contigit,	
V.		ibid.	
WALDAMARVS rex	25	wipertus filius widekindi	18
waldamarus Danis nouas leges		Viffo filius Regneri.	22

FINIS.

ERRATA.

Pag. 10. vers. 21. Letra. p. 12. v. 9. Hic Huguinus. p. 28. v. 5. CXX. annis.
Erunt fortasse plura menda, sed ut spero, ea emendabit lector.

